



Služba Općinskog načelnika i
Općinskog vijeća

Broj: 02-04-2-1857/21

Datum, 28.10.2021. godine

Z A P I S N I K

sa 9. redovne sjednice Općinskog vijeća Maglaj
održane dana 28.10.2021. godine u 9:00 sati u Kino sali
JU Dom kulture «Edhem Mulabdić» Maglaj

Predsjedavajuća Svjetlana Zamboni-Radovanović, na osnovu člana 59. Poslovnika o radu Općinskog vijeća Maglaj, zaključaka Kolegija od 21.10.2021.godine, te Programa rada Općinskog vijeća za 2021. godinu, otvaram 9.redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH i samostalni vijećnici Elvir Vehabović i Mustafa Bešić.

Poziv na sjednicu dostavljeni su OSCE terenskom uredu u Travnik, te sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i zastupnik u Domu naroda gospodin Jasminko Kapić, te zastupnica u Skupštini ZDK gospođa Emira Drnda-Čičeklić.

Sve vas srdačno pozdravljam i pozivam da svako na sebi svojstven način, odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Zamolila bih predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 9. redovnoj sjednici Općinskog vijeća.

Konstatujemo da današnjoj sjednici Općinskog vijeća prisustvuje 23 vijećnika.

Odsutna je vijećnica Aida Bašić uz predhodnu najavu, te Firuz Galijašević koji je opravdano odsutan radi izolacije. Na sjednici prisustvuju 23 vijećnika, te konstatujem da Općinsko vijeće može punovažno raditi i odlučivati i donositi odluke, zaključke i rješenja, ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo i verifikaciju Zapisnika sa 8. redovne sjednice Općinskog vijeća.

Da li ima primjedbi na dostavljeni Zapisnik? Nema. Ko je za verifikaciju Zapisnika sa predhodne sjednice? Ima li neko protiv? Uzdržan ?
Kontstatujem da smo jednoglasno verificovali Zapisnik.

Otvaram raspravu po pitanju Dnevnog reda. Prije same sjednice imala sam najavu iz Službe za boračka pitanja, gospođa Eldina je tu i od predsjednika Komisije za izbor i imenovanje. Ja bih pozvala da iznesu samo svoje prijedloge prije nego pređemo na daljnju diskusiju.

Eldina Mehinagić, da vas ja na početku poselamim i pozdravim i nadam se da će vam biti uspješna ova sjednica. Pošto sam eto ja prva koja izlažem, Služba za boračko-invalidsku i socijalnu zaštitu, opću upravu i društvene djelatnosti predlaže da se na današnju sjednicu dnevnog reda doda tačka Odluka o imenovanju povjerenika MZ-a na području općine Maglaj. Razlog je taj što povjerenicima koji su imenovani u sedmom mjesecu ističe mandat sa 01.11.2021.godine, odnosno 31.10.2021.godine i sa 01.11.2021.godine bi trebalo da se imenuju novi povjerenici. Mi smo predložili imena povjerenika, ali smo izostavili za one MZ-e u kojima su već izvršeni izbor i imenovanje rukovodstva. Pa ja predlažem da to bude tačka dnevnog reda, a vi shodno ovim elementima i mjerama ubacite u redosljed.

Predsjedavajuća Svjetlana Zamboni-Radovanović, evo da dopunim samo ovaj prijedlog šefice Službe, ja bih predložila da to onda bude tačka 10. nakon što urbanizam završi, obzirom da je Odluka u pitanju, da to uvrstimo kao tačku 10. Pozvala bih predsjednika Komisije za izbor i imenovanja.

Vijećnik Mirza Mešić, evo ja ću na samom početku sve srdačno da vas pozdravim. U pitanju je Drugostepena stručna komisija. Naime, prije nekoliko određenih dana predsjednik Komisije koji je bio tada gospodin Saša Mehić je podnio ostavku na mjesto predsjednika i mi smo ostali dužni da zamijenimo bivšeg predsjednika, gospodina Sašu Mehića. Mi smo imali Komisiju jučer, bio je prisutan gospodin Senad Šehić, gospodin Eldis Kusur i ja. Nažalost gospođa Bašić i gospodin Vehabović nisu bili iz opravdanih razloga. Tako da smo mi donijeli zaključak, obzirom da je gospodin Saša Mehić bio predložen ispred SDP-a kao predsjednik Drugostepene stručne komisije, SDP je ponovo dao prijedlog, a to je gospođica Ljubović Aida. Obzirom da taj materijal mora doći na Vijeće, evo do vas je da stavite, što se mene lično tiče može ići na kraju. To je uglavnom u pitanju.

Predsjedavajuća Svjetlana Zamboni-Radovanović, nema razloga, obzirom da se radi o rješenju onda bismo to uvrstili kao 12. tačku dnevnog reda, nakon ovog Upravnog odbora Narodne apoteke da ima ipak nekog smisla i da vezujemo temu za temu. Ja bih predložila da to bude 12. tačka dnevnog reda. Da li ima još prijedloga izvolite gospodin Fermić. Dakle diskusija po dnevnom redu.

Vijećnik Hajrudin Fermić, i ja pozdravljam predsjedavajuću i vas kolege vijećnike i želim nam uspješan rad i nadam se da bi trebali do 12,00 SATI da završimo ovu sjednicu, da bude efikasna. Ja bih usput da se izjasne i da prihvatamo ove dopune dnevnog reda, samo bih zamolio predstavnicu Službe ako može ikako do 10. tačke da nam dostavi materijal. Ja sam izašao iz razloga što želim da predložim da tačke 6. Prijedlog Odluke o radnom vremenu ugostiteljskih objekata na području općine Maglaj i 7. Prijedlog Odluke o izmjeni i dopuni Odluke o javnom redu i miru tretiramo danas kao Nacrt Odluke, a opet na neki način u skladu sa odredbama Poslovnika tačkama 114.,115.,116 i 122. u principu da ne obrazlažem, mislim da nema apsolutno nikakvog razloga da ne čujemo kroz javnu raspravu, mišljenje javnosti obzirom da se ipak tiče velikog broja građana a mogli bi svakako u toku te javne rasprave, bez obzira koliko se odredio rok za javnu raspravu da čujemo malo i detaljanije obrazloženja, mišljenja i nadležnih organa, institucija i službi, ali isto tako i građana.

Predsjedavajuća Svjetlana Zamboni-Radovanović, hvala lijepo. Da li ima još diskusija po predloženom dnevnom redu? Zaključujem raspravu po dnevnom redu i predlažem kratku pauzu za Klubove radi usaglašavanja na ove prijedloge o proširenju dnevnog reda, odnosno i sugestiju iznesenu od vijećnika Fermića.

Možemo li nastaviti sa radom. Evo dakle imali smo dva prijedloga za proširenje i sugestiju odnosno prijedlog također od vijećnika Fermića, vezano za ove tačke 6.i 7. Izvolite predsjednici Klubova. Gospodin Begić. I ja se javljam za riječ evo također.

Vijećnik Jasmin Begić, ja vas selamim i pozdravljam i želim nam svima ugodan rad danas, da brzo i korisno završimo. Klub SDA će biti protiv proširenja dnevnog reda, iz razloga tog što je Služba za povjerenike MZ-a već znala da im ističe mandat i mogla je na vrijeme da nam to pripremi. Svakako da ćemo podržati prijedlog Hajrudina Fermića vezano za ove Odluke koje su shodno Poslovniku i na kraju krajeva Statutu bi trebale ići kao Nacrt. Mi ćemo biti protiv proširenja dnevnog reda.

Predsjedavajuća Svjetlana Zamboni-Radovanović, vezano za Komisiju niste iznijeli stav. Hvala lijepo. Ispred Kluba SDP-a , izvolite Mešić.

Vijećnik Mirza Mešić, ja ću prvo pozdraviti sve prisutne i vezano za ove prijedloge što se odnosi na proširenje dnevnog reda, mi ćemo podržati i podržat ćemo ovaj prijedlog što je predsjedavajuća rekla da se tačke stave na 10. i 12. iza onih koje su tu već na dnevnom redu. Što se tiče gospodina Fermića, mi smo već tu Odluku o produženju radnog vremena ugostiteljskim objektima imali na tri mjeseca. Ona je istekla i ljudi imaju problem, a o tome ćemo raspravljati kad bude na dnevnom redu. Mi podržavamo proširenje dnevnog reda, ovako kako je predloženo. Što se tiče Službe, odnosno šefice Službe koja je predložila mora se, jer ne mogu funkcionisati ako ne budu na dnevnom redu i ako ne prođu znači nema funkcionisanja daljeg MZ-a.

Predsjedavajuća Svjetlana Zamboni-Radovanović, hvala lijepo. Evo ja povlačim svoju diskusiju, a u toku same tačke dnevnog reda iznijet ću svoje mišljenje. Dakle trebamo se očitati o svakom prijedlogu posebno, obzirom da ima različitih stavova, ne mogu ih staviti sve zajedno. Prije svega na uvrštavanje u dnevni red stavljam Odluku o imenovanju povjerenika MZ-a na području općine Maglaj, te predlažem da to bude tačka 10.ukoliko bude usvojeno tako. Ko je za ?

Glasalo ZA: Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik) Hajrudin Fermić (DF), Pero Mamić (HDZ BiH).

Glasalo PROTIV: Adis Abdurahmanović, Jasmin Begić, Mirsad Bejzić, Safet Jašić, Eldis Kusr, Edin Osmić, Maid Suljaković, Eldin Pehrat, Edin Salatović (SDA).

Konstatujem da smo ovo usvojili. To bi bila tačka 10. Sljedeće bi bilo da se proširi dnevni red za
a) Rješenje o razrješenju drugostepene stručne komisije
b) Rješenje o imenovanju predsjednika drugostepene stručne komisije na prijedlog Komisije za izbor i imenovanja te bi to bila tačka 12. Ko je za?

Jednoglasno usvojeno.

Treći prijedlog bio je prijedlog iznesen od strane gospodina Fermića vezan za tačku 6.i 7.da se preinači u Nacrt i da ide u javnu raspravu. Ko je za :

Glasalo ZA: Adis Abdurahmanović, Jasmin Begić, Mirsad Bejzić, Safet Jašić, Eldis Kusr, Edin Osmić, Maid Suljaković, Eldin Pehrat, Edin Salatović (SDA), Hajrudin Fermić (DF).

Glasalo PROTIV: Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Arif Mujkanović, Almin Smailović (SDP),

UZDRŽANI: Senad Šehić, Mirza Mešić, (SDP), Elvir Vehabović (samostalni vijećnik),Mustafa Bešić (samostalni vijećnik), Pero Mamić (HDZ BiH).

Znači nije dobio dovoljan broj glasova te ostaje na dnevnom redu ovako kako i jeste u samom sazivu. Na kraju ovoga dakle pročitat ću sada prošireni dnevni red sa svim nazivima tačaka pa ćemo se onda izjasniti o samom dnevnom redu, mada je sasvim jasno kakav je

DNEVNI RED

1. Prijedlog Odluke o odabiru lokacije za izgradnju mosta preko rijeke Bosne između Bradića i Krsnog Polja;
2. Prijedlog Odluke o zamjeni nekretnina (Mrvoljak Nisveta) ;
3. Prijedlog Odluke o gubitku statusa javnog dobra u općoj upotrebi (Mašić Ševala);
4. Prijedlog Odluke o usvajanju djelimične izmjene Regucionog plana „STARI GRAD“ Maglaj po zahtjevu Lokmić Enise;
5. Prijedlog Odluke o usvajanju djelimične izmjene Regucionog plana „Centar Maglaj – sjeverni dio“, po zahtjevu Hasić Anite;
6. Prijedlog Odluke o radnom vremenu ugostiteljskih objekata na području općine Maglaj;
7. Prijedlog Odluke o izmjeni i dopuni Odluke o javnom redu i miru broj:02-05-1-1511/18 od 04.07.2018.godine;
8. Prijedlog Odluke o davanju ovlaštenja načelniku općine u postupku okončanja pravnih procedura za objekat namijenjen za socijalno - neprofitno stanovanje, upisan u ZK uložak broj 1770 k.č. broj 2348/3 „Zgrada i Dvorište“.
9. Prijedlog Rješenja o utvrđivanju prava vlasništva u korist Husić Mehmeda iz Kosove;
10. Prijedlog odluke o imenovanju povjerenika MZ-a na području općine Maglaj;
11. Rješenje o konačnom imenovanju člana Upravnog odbora JU „Narodna apoteka“ Maglaj (član ispred Ministarstva zdravstva Zeničko –dobojskog kantona);
12. Rješenje o razrješenju predsjednika drugostepene stručne komisije i rješenje o imenovanju predsjednika drugostepene stručne komisije;
13. Izvještaj o radu JU “Dječiji vrtić” Maglaj za 2019/2020 i 2020/21 sa finansijskim pokazateljima utroška sredstava iz Budžeta Općine Maglaj;
14. Program rada za 2021/2022 JU “Dječiji vrtić” Maglaj;
15. Informacija o radu privatnih predškolskih ustanova za 2020/2021 godine, koje se sufinansiraju iz Budžeta Općine Maglaj;
16. Program rada privatnih predškolskih ustanova za 2021/2022 godinu, koje se sufinansiraju iz Budžeta Općine Maglaj;
17. Usvajanje Lokalnog akcionog plana za re/integraciju bh državljana koji se vraćaju po osnovu Sporazuma o readmisiji na područje općine Maglaj za period 2021-2024.

Nakon toga slijede vijećnička pitanja i inicijative. Ko je za predloženi dnevni red?

Glasalo za; Svjetlana Zamboni -Radovanović,Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Senad Šehić(SDP), Mustafa Bešić (samostalni vijećnik), Elvir Vehabović (samostalni vijećnik),Pero Mamić(HDZ BiH).

Glasalo protiv; Adis Abdurahmanović, Jasmin Begić, Mirsad Bežić, Safet Jašić, Eldis Kusur, Edin Osmić,Maid Suljaković,Eldin Pehrat, Edin Salatović (SDA),

Uzdržanih ; Hajrudin Ferić,

Prelazimo na prvu tačku dnevnog reda.

AD 1. Prijedlog Odluke o odabiru lokacije za izgradnju mosta preko rijeke Bosne između Bradića i Krsnog Polja;

Predsjedavajuća Svjetlana Zamboni-Radovanović, na Kolegiju je načelnik obrazložio ovu tačku dnevnog reda, gospodin Nedžad je tu ako treba uvodnu riječ dati. Izvolite Nedžade, svejedno vi imate sad ovih 9.tačaka koje slijede. Sve su iz Vašeg resora. Pa nemojte ni odlaziti iz prvog reda.

Nedžad Ćatić, pozdravljam sve prisutne. Ova tačka prva odabir lokacije za izgradnju mosta preko rijeke Bosne između Bradića i Krsnog Polja. Misija OSCE-a u BiH je identificirala nekoliko infrastrukturnih projekata u BiH. Jedan od ih projekata je i izgradnja mosta između naselja Bradići/Fojnica na lijevoj strani rijeke Bosne i Krsnog Polja na desnoj obali. U okviru toga misija

OSCE-a je finansirala i izradu studije izvodljivost izgradnje mosta preko rijeke Bosne na području naselja Bradići i Fojnica i Krsno Polje, sa projektnim zadatkom za izradu idejnog projekta koji je uradio konsultant na projektu gospodin Nedžad Begić, diplomirani inženjer arhitekture. U ovom dokumentu razmatrano je više lokacija za izgradnju mosta i faktički vrsta mosta, da li je to pješački ili mosta za saobraćaj motornih vozila. Dužina razmatranja je 4 km, od Fojnice do Gornjih Bradića. Na tom lokalitetu razmatrano je više varijanti, uglavnom tamo gdje postoje prilazi do rijeke Bosne obzirom da na ovom dijelu postoji izgrađena željeznička pruga koja je jedan od ograničavajućih faktora što se tiče samog saobraćaja do mosta. Na kraju su odabrane dvije lokacije. To je lokacija gdje je nekada bio urađen pješački most prije rata. Na toj lokaciji su bile razmatrane dvije pod varijante. To je znači lokacija gdje je bio pješački most i jedna lokacija niže, nekih 100 m u pravcu postojećeg podvožnjaka. Druga lokacija koja je razmatrana je lokacija u Fojnici, u pravcu postojećeg podvožnjaka. Razmatrajući prednosti i nedostatke u samoj studiji, ovaj prijedlog je kroz studiju da se prednost za odabir lokacije da na lokaciji broj 2. To je mjesto u Fojnici u pravcu postojećeg podvožnjaka, imajući u vidu prilaz mogući saobraćaju, dužinu mosta, prilaznih puteva, rješavanje imovinskih odnosa itd. Ovaj dokument je bio na Komisiji za privredu i urbanizam i prostorno planiranje Općinskog vijeća. Oni su podržali ovu Odluku u ovakvom tekstu kako je predloženo. Misija OSCE-a je bila u Općini Maglaj i oni su izvršili prezentaciju ovih lokacija Načelniku, nakon čega je donesen zaključak da se ovaj prijedlog podnese Općinskom vijeću koje bi trebalo da da svoje mišljenje, odnosno donese Odluku o odabiru lokacije za izgradnju ovog mosta.

Predsjedavajuća Svjetlana Zamboni-Radovanović, otvaram raspravu. Izvolite gospodine Kusur. **Vijećnik Eldis Kusur**, sve vas selamim i pozdravljam i želim nam danas svima ugodan rad. Znači, Klub SDA razmatrao je ovu tačku dnevnog reda i danas ja ovdje iznosim sljedeći stav. Svrha ovog mosta nije prioritetna za stanovnike ovog dijela općine, ali znamo da je jako neophodna izgradnja mosta Maglaj-Bijela Ploča. To je ujedno i obećanje načelnika za njegov prvi mandat kojeg nikada nije ispoštovao. Također pitamo nadležne da li se obavila anketa među mještanima Donjih Bradića, Gornjih Bradića, Fojnice, Ulišnjaka i Krsnog Polja. Jesu li oni uopće za povezivanje ove dvije MZ-e? Naše informacije s terena govore da je bilo neophodno obaviti javnu raspravu po ovom pitanju u pomenutim MZ-a i onda donijeti konačnu odluku, odnosno prijedlog. Pošto ste prevarili mještane Bijele Ploče i dali im obećanje prije 6 godina da će se graditi most Maglaj-Bijela Ploča, mislimo da je vrijeme da se založite kod investitora i da se izgradi navedeni most. Jer ako oni to ne urade građani moraju znati da se ovaj most neće uraditi nikada. Bijela Ploča i druga naseljena mjesta imaju jaku potrebu za ovim mostom u odnosu na mještane Bradića i Fojnice, koji čak imaju averziju prema ovom mostu koji hoćete graditi, jer ih asocira na ratna dešavanja i na postavljanje Pontonskog mosta za prelazak tenkova JNA, zato je naš prijedlog da se gradi most za Bijelu Ploču, a ovaj most nikom nije potreban i samo služi za politička potkusurivanja.

Predsjedavajuća Svjetlana Zamboni-Radovanović, javljam se za riječ. Izvolite načelniče replika i ja se javljam za riječ.

Načelnik Mirsad Mahmutagić (replika), evo gospodin Čatić je iznio stavove. Prije svega ja vas sve srdačno pozdravljam. Ja sam i očekivao ovakve nebuloze i gluposti koje ovdje čujem od predsjednika SDA. Nekoliko puta sam čuo za most Bijelu Ploču, obećanje itd. pa prešutim kontam da će se neko malo spametovati i malo steći obraza i karaktera kada izađe javno nešto da govori. Obzirom da to niste gospodine Kusur uradili, ja ću vam sada ovdje javno reći za ovom govornicom da lažete. Dakle vi izlazite i lažete. Nikada i nigdje...

Predsjedavajuća Svjetlana Zamboni-Radovanović, javite se za riječ kao i svi ostali. Prekinut ću sjednicu gospodine Begiću ukoliko se ne javite za riječ i ne iznesete svoj stav.

Načelnik Mirsad Mahmutagić, ja odgovaram ovdje na vaše vrijeđanje i laži. Nikada Mirsad Mahmutagić nije rekao da će napraviti u prvom mandatu most za Bijelu Ploču, nego smo rekli da ćemo raditi na izgradnji mostova na Bijeloj Ploči i ostalih. I ako znate gospodo iz SDA koji ste toliko novca pronevjerili na drveni most u Liješnici. Za mandata, niste napravili most čestit. Nije to bio jedan mandat, to je bio mandat poslijeratni sa kratkim prekidom. Da vam ne nabrajam koliko je mostova napravljeno u ovom mandatu. Dakle prvo nemojte obmanjivati građane, nemojte

lagati, jedna stvar. Druga stvar, imate ovdje tačku dnevnog reda saglasnost. Vi kao Vijeće trebate dati ili ne dati saglasnost, ali ne trebate lagati građane da taj most koji nudi OSCE i Međunarodna zajednica da izgradi da ga možete negdje pomjeriti na Bijelu Ploču, Omerdino Polje ili bilo gdje drugo. Ne, ne može. Vi danas kao vijećnici samo odlučujete da li ćete prihvatiti ponudu OSCE-a da gradi most kako ga zovu Most mira na potezu Bradići, Fojnica prema Krsnom Polju i Ulišnjaku i to je namjera Međunarodne zajednice. Ponuda uzmite ili ostavite. Ako uzmemo dobit ćemo most. Imamo prioritenih mostova, slažem se i na Omerdinom Polju, Bijeloj Ploči i na rijeci Jablanici itd. ali nemamo mogućnost da biramo prelociranja. Samo imamo mogućnost da uzmemo ili ostavimo. Sada budite dovoljno pametni, budite dovoljno mudri pa se izjasnite hoćete li uzeti ili ćete ostaviti. Ja ne sumnjam, uz izvinjenje pojedincima iz Kluba SDA, ne sumnjam u vaše sposobnosti vi ste i prije 5-6 godina otjerali sportsku dvoranu iz Maglaja. I tada je bilo sa UNDP-om ponuda izgradnja sportske dvorane kod Mješovite srednje škole i Gimnazije, koju bi koristila naša djeca i učenici i sportisti. Izjasnili ste se jako kvalitetno da ste otjerali sportsku dvoranu da se gradi negdje na drugom mjestu. Dakle, zbog gledalaca ovdje želim da kažem da Klub SDA je ušao u ovu tačku dnevnog reda sa očiglednim lažima i podvalama. Laži i podvale nemaju mjesta u ovoj situaciji. Samo jedna stvar, nudi vam Međunarodna zajednica mosta na potezu koji je pomenut i bile četiri lokacije. Od četiri lokacije konsultant kojeg je izabrala Misija OSCE-a je predložio lokacije među kojima je po tehničkom smislu najpogodnija lokacija broj 2. I to je suština ove tačke dnevnog reda, a vi izvolite nastavite izlaziti i lagati ovdje građane a ja ću izaći da iznesem pravu istinu. Sramota.

Predsjedavajuća Svjetlana Zamboni-Radovanović, hvala lijepo. Sačekat ćete gospodine Jašiću za diskusiju. Kusura replika.

Vijećnik Eldis Kusr (replika), ja vas opet selamim, mislim načelnice, gospodine Mirsade Mahmutagiću jako ste nekorektni, čitavo vrijeme, meni je žao što niste slušali šta sam ja čitao. Znači, ja ako lažem pa vi ste brate za ovih šest godina se nalagali ko niko. Drugo i sada vam govorim za ovom govornicom, nisam nikada bezobrazan bio uvijek sam korektan bio, imao dobar odnos sa svim vijećnicima i sa Vama. Vi ne možete pomesti i očistiti i ofarbati šta je SDA uradila u proteklom mandatu. Nemojte više SDA da spominjete, znači ne možete da spominjete. Prvo se potrudite i vidite šta se dešava u MZ-a.

Predsjedavajuća Svjetlana Zamboni-Radovanović, nemojte mijenjati temu. Hajde ostanite na mostu.

Vijećnik Eldis Kusr (replika), hoću da mijenjam temu, što se tiče dvorane i svega toga...

Predsjedavajuća Svjetlana Zamboni-Radovanović, samo malo gospodine Kusr dozvolite da kažem gospodinu Begiću, nećete sa mnom diskutovati sa mjesta. Ako trebate diskutovati sa mnom, javite se za riječ. Ne možete prekinuti svog predsjednika dok govori.

Vijećnik Eldis Kusr (replika), ko je napravio propuste neka za svoje propuste i odgovara. Ja sam samo iznio stav Kluba SDA i naše mišljenje. Znači, neka se gradi na općini Maglaj, mi nismo protiv izgradnje ali smo rekli šta je sa mostom Maglaj-Bijela Ploča. Drugo da kažete da lažem, mi ovdje, ja nemam interesa nikakvog populističkog. Znači, ne možete tako govoriti. Uvažavao sam Vas ko načelnika, poštovao ali jako ste nekorektni i bezobrazni. Ovo vam govorim sada sa govornice, kako se Vi ponašate prema nama ubuduće ja Eldis Kusr će se ponašati prema vama.

Predsjedavajuća Svjetlana Zamboni-Radovanović, samo da vam kažem gospodine Kusr, potezanje novih tema koje se tiču izgradnje nekih drugih mostova nije načelnik...izvinite Vi ste prvi izašli za govornicu. Znači, ako potežete neke nove izgradnje, imate vijećnička pitanja i inicijative pa vi inicirate što god želite. Hvala vam lijepo. Sljedeći se javio načelnik, jer je njemu upućeno ovo pa onda Vi.

Načelnik Mirsad Mahmutagić (replika), znate gospodine Kusr kada nešto kažete to mi čujemo, kada nešto uradite vidimo. A onda se počnete vaditi ja govorim u ime Kluba. Nije vam to prvi put da se služite ovakvim lažima, da bezobrazno nastupate, da mijenjate teze, da mijenjate tačke dnevnog reda. Ja znam da vaše sposobnosti nisu jake, znam to. Vidite, ako ćete govoriti o nedostacima prošlog mandata i mojim rezultatima i ako ćete govoriti o vašim ranijim rezultatima. Pa nisam ja imao šta iza vas mesti, niste ništa ni uradili, razumijete. A šta sam ja uradio u svom mandatu, ocijenili su građani. Dakle, nikad vam kandidat SDA, koristeći sve institucije koje ste

imali nije osvojio koliko je osvojio Mirsad Mahmutagić glasova. Dakle, ako to negirate, ako to ponižavate vi ponižavate naše građane, a to je preko 6000 glasova koje nikad kandidat SDA nije osvojio, a nikad manje glasača nije bilo na izborima. Kada vi, Begić i ovi koji ste lagali u kampanji, pisali o meni svašta itd.sve se zna, sve je otkriveno, nemojte misliti da nije. Kada vi govorite, pa jel treba da šutim? Ne pada mi napamet. To što se budalesali po facebook-u, pisali itd.tu ne odgovaram, ne interesuje me, ali kada dođete ovdje za ovu govornicu bogami ćete dobiti odgovore uvijek.

Predsjedavajuća Svjetlana Zamboni-Radovanović, sljedeća replika je bila od Begića, pa onda Jašić.I hajte malo da pređemo na temu konkretno.

Vijećnik Jasmin Begić(replika), evo ovako ja bih zamolio predsjedavajuću prvo da nema dvostruke aršine.

Predsjedavajuća Svjetlana Zamboni-Radovanović, nemam ja dvostrukih aršina i to mi svi zamjerite, to je vaša najveća zamjerka svih vijećnika.

Vijećnik Jasmin Begić(replika), znači, da se ne primjenjuju dvostruki aršini. Ako je tačka dnevnog reda ta, odabir lokacije i svega toga. Nemamo potrebe da slušamo nebuloze o nekim dvoranama i svemu tome i o nekim rezultatima koje niko ne vidi u gradu. Ni metar asfalta nije asfaltirano u gradu.

Predsjedavajuća Svjetlana Zamboni-Radovanović, eto Vi potežete teme na koje će opet načelnik reagovati. Dozvolite da Vam kažem, predsjedavajuća govori. Dakle, potegnete temu i onda kada vam se replicira na to što ste Vi kazali, onda reagujete.

Vijećnik Jasmin Begić(replika), ovdje ja repliciram njemu. Ja ne znam stvarno šta je toliko izazvalo bijes u načelniku, ovo što smo mi predložili ispred Kluba. Naravno da nije most napravljen, to je fakat. Naravno da je obećan most Bijeloj Ploči, nije napravljen i ne vidim uopšte tu problem. Problem je znači, lokacija i problem je ovaj most što će se praviti. Pravi se na vrat na nos, nije izvršena anketa MZ-a, nije izvršena javna rasprava, da li taj most stvarno treba ljudima. Ako ćemo mi nešto praviti a niko ne koristiti, nema potrebe stvarno da pravimo i da mi bezveze pucamo bonuse kod OSCE-a na neke mostove koji ne trebaju nikome. Mi smo fino rekli znači, OSCE radije da ne pravi na toj lokaciji, da ga ne pravi nigdje, da ne ispucamo bonus možda će sutra trebati negdje drugo nešto napraviti, a ovako će reći mi smo vam napravili most koji vrijedi milion, nebitno koliko i to je dosta za vas. A što će preko tog mosta vjerovali li ne, eto živi bili pa vidjeli mjesečno možda 10 ljudi proći pješice. To naravno nikog nije briga, bitno je da se u kampanji iskoristi to da je most napravljen. Isto kao i ovaj drveni što ga je napravila SDA, dala pare on asfaltirao i kaže on ga napravio. Ne treba se kititi tuđim perjem.

Predsjedavajuća Svjetlana Zamboni-Radovanović, evo ja se javljam za repliku. I ja osjećam se prozvanom pa ću i ja replicirati. Malo ćete sačekati svi sada. Nije problem ako treba danas raspravljati cijeli dan o mostu raspravljat ćemo cijeli dan o mostu, sve ćemo ostalo skinuti s dnevnog reda.

Načelnik Mirsad Mahmutagić, lijepa je ovo komedija kad ovako intelektualno potkovani ljudi izađu i pričaju ovakve stvari. Nemam ja bolan problem s prijedlogom SDA, vi možete imati prijedlog i za i protiv, to je vaš stav. Ja imam potrebu da ovdje kažem o lažima koje iznosite. Bolan Begiću, pa izađeš i lažeš za govornicom a takve nebuloze pričas, pa jel moguće da toliko intelektualno nepotkovana osoba sjedi u vijeću. Čuj SDA dao novac za most. A jest vam sposoban načelnik pa meni SDA daje, a vama nije dala. Ne znam što vam nije davao da napravite prije. Kakav bolan SDA, nema SDA novac, ovaj crni novac koji mešetarite i kupite, ima država novac, ima Općina novac. Niti je načelnik napravio most od novca Mirsada Mahmutagića, a pogotovo nije od novca SDA. Nemojte iznositi nebuloze, nemojte lagati građane. Morate biti svjesni da vam ponovim, da biste pojedinci bili svjesni. Nudi Međunarodna zajednica i ne daje mogućnost bilo kakvog pomjerenja na bilo koju drugu lokaciju. Ne iziskuje finansijska sredstva od Općine Maglaj za sufinansiranje. Imate samo da se opredjelite hoćete li tu gdje je predloženo ili nećete. Ako nećemo dostavit ćemo svakako odluku OSCE-u ili hoćemo ili nećemo. Ako nećemo, budite spremni i na posljedice da ništa od ostalih projekata Međunarodne zajednice nećemo dobiti kao što smo dugo čekali i poslije one sportske dvorane koju ste otjerali pa nismo do 2017.godine do javne

rasvjete dobili novca. Pa izađite, nastavite sa lažima, sa nebulozama evo raspoložen sam da danas to s vama ovdje raspremam. Vidite kad izađe vijećnik i kaže u gradu nije ništa urađeno. Koji da ne kažem riječ, treba biti da bi to pomenuo. Pa neću, šta ću nabrajati ćoravom insanu. Evo kultura dobacivanja, ali evo odgovorit ću. Studentsko ljeto gdje ste dovodili pjevače amatere, nepoznate i ne znam kakve je vraćeno na nivo kakav nikad poslije rata nije bio, nego kakav je bio prije rata. A Studentskog ljeta 2020. i 2021.godine nema zbog pandemije. Da smo organizovali Studentsko ljeto 2021.godine, s obzirom da naše intelektualne sposobnosti i karakterni nivo vi bi ste isto tako mene napadali da organizujem takve manifestacije u vrijeme pandemije kada su zabranjena okupljanja.

Predsjedavajuća Svjetlana Zamboni-Radovanović, javljam se za riječ.

Vijećnica Svjetlana Zamboni-Radovanović, ukoliko bude trebalo potrošiti danas cijeli dan raspravljajući o ovoj temi, vrlo rado ću to učiniti. Prije svega govorim kao vijećnica, kamo sreće da u ovom Vijeću sjedi makar 20 žena, ovo Vijeće bi bilo funkcionalnije. Ne biste se prepucavali i dobacivali tako s mjesta kao što to radite. Druga stvar kada ste mi rekli da imam dvostruke aršine, nemam dvostruke aršine. Zašto je spomenuta sportska dvorana uz srednju školu, zato što smo odbili 300.000,00 maraka donatorskih sredstava, nepovratnih sredstava da dobijemo još jednu sportsku dvoranu, zato je spomenuto. Po istom principu po kojem radite evo danas. Obraćam se Klubu SDA kao vijećnica. Jel mi trebamo reći stranom investitoru nama ne treba most. Da ima bogdom most svakih pola km na rijeci Bosni kolika je općina Maglaj pa i šire, pa da ljudi prelaze kad hoće i gdje hoće. Neka kruži ko hoće i gdje hoće, mi dobijamo most. U simbolizmu dragi moji, u književnosti most spaja ljude, a vi hoćete da uništite spoj. Govorite o ratu, o ratnoj retorici pa do kada ćemo mi. Pitajte svoje djece jesu li oni zainteresovani za tu temu. Pitajte svoje djece, da li je njima interesantno gdje je bio ovakav most, onakav most. Naša djeca hoće da žive zajedno. Naša djeca to hoće ali nedamo im mi. Mi pričamo o onome što se dešavalo prije 30 godina. Pa dajte da ovu općinu već jednom otvorimo, da našoj djeci ponudimo život. Da nije svaka sjednica vijeća šta je bilo prije 30 godina. Pitajte svoju djecu kod kuće, jel njima interesantno ovo o čemu mi razgovaramo danas ovdje kad je most u pitanju. Neka šetači šetaju. Nije interesantno mještanima Bradića, Fojnice ili kome već, interesantno je meni da napravim krug pješice i da prošetam i predem rijeku Bosnu na toj lokaciji. Ako vi odbijate most mira i protiv izgradnje ste mosta mira, ja stvarno ne znam šta više da kažem. U književnosti su mostovi spoj među ljudima. Živimo u 21.stoljeću dragi moji. Otiđite malo do Amsterdama, svakih 20 m mostić, svakih 20 m a mi odbijamo na ne znam kojem km općine Maglaj. Šta trebamo reći OSCE-u ne trebaju nama vaše pare, znate ne sviđa se tamo mještaninu Bradića ili Fojnice da on bude tu i tu. Eto oni ne bi da se družu i prelaze mostove. Uzimamo pare ko god nam daje pare, valjda smo toliko pametni.

Vijećnik Jasmin Begić (replika), sve je ovo jako lijepo slušati. Mi smo za mostove. Valjda postoje prioriteta. Valjda postoji lobiranje u tom smislu toliko valjda ima neko kapaciteta intelektualnog pa da izlobira da se taj most pravi na drugom mjestu. Govorite o pravljenu mostova. Vi ne možete ofarbat gradski most. Vi ne možete....

Predsjedavajuća Svjetlana Zamboni-Radovanović, hajte ne mijenjajte temu. Držite se mosta o kojem govorimo. Opet ćete replike izazvati.

Vijećnik Jasmin Begić (replika), znači, ne možete ofarbat most.

Predsjedavajuća Svjetlana Zamboni-Radovanović, evo replika.

Vijećnik Jasmin Begić (replika), a govorite o izgradnji. Ne možete napraviti ništa. Šta ste napravili, niste napravili ništa. Govorite o Amsterdamu. Pa de nam napravite barem predgrađe Amsterdama, vi ste na vlasti.

Predsjedavajuća Svjetlana Zamboni-Radovanović, rado bi, da hoćete vi evo glasati.

Vijećnik Jasmin Begić (replika), vi ste na vlasti. Imate većinu možete razvaliti šta hoćete. Vi niste prstom pomakeli. Na izgradnju hale firma čeka dvije godine. Koji će investitor čekati dvije godine. Uozbiljite se. Počnite raditi za građane, nemojte raditi samo za 5 firmi koje vi vodite.

Predsjedavajuća Svjetlana Zamboni-Radovanović, replika.

Vijećnica Svjetlana Zamboni-Radovanović (replika), gospodine Begiću, ne znam jeste li govorili u svoje lično ime ili u ime Kluba. Vi govorite o četkicama i farbanju mosta koje košta ne znam ni ja koliko. Mi govorimo o stotinama hiljada maraka koje će doći u Maglaj. Izvolite vi

gospodine pošto ste humanitarac po prirodi. Napravite humanitarnu akciju i ofarbajte most. Što čekate Vi gospodine Begiću. Firma u vlasništvu moje porodice je milionska firma. Ima te li još nešto da dodate? Dođite za govornicu pa govorite o onome što Vas boli. Još jednom napominjem dakle OSCE je ponudio lokaciju koja je prikazana na ovom snimku. Svako je rekao svoje. Ja ću vas zamoliti da se izjasnite da li ste za izgradnju ovog mosta ili niste za izgradnju mosta. Kada dođe do vijećnički pitanja i inicijativa, izvolite predložite farbanje mosta u gradu.

Načelnik Mirsad Mahmutagić (replika), ja sam rekao ja ću danas raspravljati. Nešto sam raspoložen, pogotovo ovim intelektulanim mediokritetima odgovarati. Kažu nemamo jako lobiranje, kako nismo izlobirali na neku drugu lokaciju prioritelniju. A u uvodnom izlaganju rečeno da imamo prioritelnije lokacije ali da imamo samo ponudu uzmi ili ostavi. O lobiranju i radu s Međunarodnom zajednicom ja vas pitam što to nije otišlo na drugo mjesto, pa nije samo rat bio u Maglaju, bio je rat u cijeloj BiH. Budite kulturni. Nadam se da su vas roditelji malo vaspitavali, da znate da treba da šutite dok drugi neko razgovara a s obzirom da ste kao vijećnik dobili i određene akte, trebali ste da znate da izađete za govornicu pa govorite. Malo pristojnosti želim od vas. Kada je u pitanju rad i lobiranje preko OSCE-a ove godine su obezbijedena sredstva za rekonstrukciju poligona u Liješnici, u Bočinji. Za određene radove na pećini Megari i imate most. Imamo druge projekte u pozadini koje rješavamo i koje nam pokušavaju pomoći gospoda iz OSCE-a. Ja vam te projekte ne iznosim dok ne budu sigurni. Kada budu sigurni dobit ćete. Evo da se malo i našalimo na SDA izgradnju mostova, s obzirom da smo hodali gore po onim rupama, drvenom mostu kao da smo ulazili u neko kaubojsko selo, Maglaj planira izgradnju dva mosta na rijeci Bosni datum 09.07.2010.godine. da li je ko kupio metar kvadratni zemlje za ove mostove, a kamoli šta drugo uradio.

Predsjedavajuća Svjetlana Zamboni-Radovanović, Jašić.

Vijećnik Safet Jašić, selamim i pozdravljam sve prisutne i mislim da nije trebalo krenuti ovako. Ovo je pitanje investicije i ono što ja lično razmišljam kada te neko uslovljava onda o tome treba malo više razmišljati i uključiti određeni broj ljudi pa da se vidi odnosno zašto je to uslovljavanje OSCE-a samo na tom mjestu. Mene lično boli taj most i o njemu ne mislim onako kako drugi misle. Znamo i zašto. Možemo mi reći da su to i ratne neke one sigurno ima i toga, a što se tiče predsjedavajuće vijeća naša djeca, vi nama lijepo to rekoste, sve ste upravu. Naša djeca hoće da se druže sa svom djecom na svijetu ali trebate pitati nečiju drugu djecu koja stalno po medijima, po televizijama, po javnim servisima izlaze i prave se veći od onih najvećih tamo. Naša su djeca i nas ponovo neko izgleda zavarava. Znamo mi šta naša djeca misle i ona su odgajana u tom duhu. Malo trebamo biti oprezni zbog toga. Previše mi s njima razgovaramo tolerantno. To je nas koštalo jednom ili dva puta, nije ni bitno sada ali uvijek je bitno. Znači, trebamo malo uticati i na drugu stranu a ovdje nema potrebe niko nikome da govori šta njegova djeca rade i kako da se ponašaju i s kim da se druže. Prema tome ne trebaju nam te neke lekcije o našoj djeci, naše djece što se tiče mi nismo njih odgojili u ovom drugačijem kao što drugi to odgajaju. Mi moramo biti oprezni, zato smo oprezni i kada je ovaj most u pitanju. Što se tiče načelnikovog izlaganja, mislim da nije baš uredu ovo što se kaže pronevjerena sredstva kod prve diskusije. Ja sam to uvijek govorio i u proteklom mandatu. Sve što je pronevjerila neka stranka ili neki pojedinac to treba prijaviti i ja sam za to. Da je i iz moje stranke, da je iz moje kuće bio bi na tom fonu da se to otkrije. Ne trebaju nam kriminalci, lopovi. Lopova imamo oko sebe koliko hoćemo. Što se tiče pronevjerenih sredstava most Liješnica, drveni most treba da znate Načelnice da je taj most bio privremeno napravljen i da je napravljen iz Budžeta Općine Maglaj. Lijep je ovaj most, stvarno je lijepo sve ono. Znamo odakle i kako i neka je. Općina je aplicirala za to, sredstva su došla i napravljen je. Nemojte da je neko napravio kriminal što je taj most bio propao totalno i imamo privrednog giganta koji je trebao da prolazi gore. Napravljen je privremeni most drveni koji je koštao 40.000,00 i sada je neko napravio kriminal. I nije SDA kriminalna stranka, ja to tvrdim i uvijek ću braniti stavove stranke. Ne branim pojedince koji ne valjaju, sigurno nikad neću stati u zaštitu niti jednog pojedinca. Što se tiče sportske dvorane, kada je to SDA osporila neki projekat vi ste tada bili opozicija. Sportskoj dvorani kojoj SDA tada, igraju se djeca. Sportska dvorana je bila ili srednjoškolski centar ili Novi Šeher. Mi smo se odlučili za Novi Šeher imali smo ruke kao i vi sada

što imate i mi je napravili u Novom Šeheru. To je simbol našeg kraja. Ko kaže da smo mi tada bili protiv neke dvorane tamo dole, i sada smo, uvijek ćemo biti ali je bila ona prioritet dvorana u Novom Šeheru. Tada je to bilo. Prema tome neistine iznosite. Neću nikad reći da laže bilo ko nego ne postavljate stvari onako kakve jesu. Ali ja znam dobro, bio sam učesnik u svemu ovome i sportska dvorana Novi Šeher, nemojte malo pustite i nama da i mi malo živimo. Prema tome sportska dvorana nije ni jedna osporena, samo je ova imala prioritet.

Predsjedavajuća Svjetlana Zamboni-Radovanović, ispravka krivog navoda, imam i ja ali ako Vi kažete povući ću ja svoju diskusiju.

Načelnik Mirsad Mahmutagić (ispravka krivog navoda), evo Jašiću, s obzirom da ste dugo u vijeću, čudi me da te osnovne stvari ne znate i da ih se ne sjećate. Krenut ću redom šta ste rekli. Dakle pronevjera novca. Od prijatelja iz Turske iz Čubuka doznačeno 90-tak hiljada KM u septembru 2013.godine, u decembru 2013. sfučkane. Imali ste to i u izvještaju, ali očigledno niste pratili. Sfučkano 90.000,00 u druge stvari, nije marka u most uložena. To vam je jedan podatak. Drugi podatak kad već mislite da znate kako je zaokružena finansijska situacija mosta izađite ovdje i recite našim građanima oni će vidjeti preko RTV Maglaj kako je zaokružena finansijska situacija izgradnje mosta. Treća stvar zbog koje sam ja prije svega izašao da vam gospodine Jašiću sugerišem, čisto sumnjam da se ne sjećate bili ste vijećnik vrlo aktivan u tom mandatu. Dakle nema veze ta dvorana sa Šeherskom dvoranom. Šeherska dvorana se gradila iz državnih sredstava i hvala bogu napravljena ali sportska dvorana koja je trebala biti kod škole je bila ponuda UNDP-a po istom ovom principu uzmi ili ostavi. Klub SDA je predvodio većinu, htjeli su da se taj novac preusmjeri u Novi Šeher u sportsku dvoranu i nije sporno dobra namjera, dobra želja, treba razvijati i Šeher, podržavam ali su i tada iz Međunarodne zajednice rekli ne, ili ovo ili ide na drugu stranu. I taj novac je od nekih 350.000,00 ako se ne varam nije od strane Međunarodne zajednice dat za sportsku dvoranu u Šeheru, nije završena od tog novca. Taj novac je otišao u drugu općinu u BiH, dakle nastojanje je otjeralo sportsku salu i nije izgrađena u Maglaju. To vam je istina.

Vijećnik Safet Jašić(replika), da ne bude da je to ona većina sama odlučila. Ja se dobro sjećam Kapić Jasminko u tome je mandatu bio vijećnik i došao je s nama na pauzu i on je digao ruku i svi vijećnici s Novog Šehera su digli ruku. Znam ja da je bilo ovo ili ono. Svi su vijećnici, neki su se priključili. Neću govoriti o tome jel to neko bio protiv, uopće nije bitno. Nama je to bio prioritet, mi smo to zaokružili što se tiče te dvorane to je tako bilo. Vlada ZDK napravi pet sportskih dvorana, što mi to nešto OSCE moramo uraditi nešto što oni kažu. Evo ovo je dobar primjer a nikad nismo bili protiv i ne sjećam se a bio sam u tom mandatu.

Predsjedavajuća Svjetlana Zamboni-Radovanović, ja sam još uvijek za ispravku krivog navoda pa onda...mogu li ja Načelniče, pa onda i vi..

Načelnik Mirsad Mahmutagić (ispravka krivog navoda), ja ću opet ispraviti ove navode krive. Dakle ja nisam rekao da je SDA odlučila, nego predvodila većinu. Rekao sam da je to bila ok namjera da ide u Šeher ali nije bilo mogućnosti i nije ta mogućnost ostvarena, dakle sala je otišla. Kada pomenete Vladu ZDK i pravljenje školskih sala upravu ste, kada budete sjedili u SDA recite Miralemu Galijaševiću, kantonalnom predsjedniku SDA nekada Premijeru Vlade ZDK, priupitajte ga kako god hoćete šta je to on uradio u Maglaju. Još uvijek je predsjednik SDA pa ga priupitajte ima li namjeru da šta uradi u Maglaju.

Vijećnica Svjetlana Zamboni-Radovanović (ispravka krivog navoda), evo ispravka krivog navoda na izlaganje gospodina Jašića. Obzirom da u to vrijeme vijeće roditelja JU Gimanzija i Mješovita srednja škola je pokrenula a i vi ste bili tada ja mislim u vijeću roditelja gospodine Osmiću, čini mi se. Da smo na sve moguće načine pokušavali ubijediti UNDP da ne povlači pare iz Maglaja, da ostavi taj novac u Maglaju, da ćemo osigurati i ako bude trebalo i dodatnih sredstava svako na svoj način ili kroz kontakte ali činjenica je jedna i to je prava činjenica i jedina istina. UNDP je ponudio 300.000,00 maraka za izgradnju sportske dvorane uz srednju školu za potrebe svih učenika sa područja općine Maglaj pa i drugih koji su dolazili sa Tešanjanske općine također ima učenika i za potrebe sportskih klubova koji egzistiraju na području općine Maglaj, cijele općine Maglaj. Odbili smo 300.000,00 maraka, ljudi su novac uzeli i izgradili sportsku dvoranu u drugoj općini. Ukoliko je potrebno javnosti radi dovesti i tu priču do kraja, jednom i

zauvijek ja ću od UNDP-a tražiti da dostave u pisanoj formi šta se desilo i da jednom stavimo tačku na i kada je sportska dvorana u Šeheru u pitanju. Novac UNDP-a nije otišao u sportsku dvoranu u Šeheru, ona je završena na drugi način.

Predsjedavajuća Svjetlana Zamboni-Radovanović, Mešić, pa Bešić.

Vijećnik Mirza Mešić (replika), pokušao sam da dobijem riječ odmah na početku ali nisam uspio od ovih raznih replika koje uopće nemaju veze sa tačkom dnevnog reda zbog pojedinih ovdje prisutnih ne mogu nazvati ni kolega kako se ponašaju za ovom govornicom. Tačka dnevnog reda je da li se daje saglasnost ili se ne daje. Ljudi daju sredstva na toj lokaciji, ne možemo mi odlučivati. Svjestan sam ja nemoći pa vi da morate izaći za ovu govornicu da kažete vi ste obećali..ovo su sredstva.. Ne mogu shvatiti razum koji kaže da ne treba most da se gradi, a od Zavidovića do Maglaja nemamo na tom potezu niti jednog mosta, ne postoji ni jedan most. Ima most u Alićima u Zavidovićima i most u Maglaju i nema mosta ni jednog više gospodine Begiću. Molim vas dignite glavu, nemojte mi se obraćati imate govornicu ovdje ako treba nešto da kažete. Izađite i recite mi za govornicom, budite kulturni i pristojni. Znači, nema ne postoji i raduje me činjenica što ljudi razmišljaju i daju nam mogućnost da imamo most. Drugo zaboravili ste stvar gdje Bosna prvo izlazi kada nadođe gospodine Begić. Zna li gdje izađe? Ovaj most će spajati gospodine i izađe u Ulišnjaku gdje je cesta stradala, gdje klizište ima. Ovaj most će omogućiti komunikaciju kada dođe do poplave, do sljedećeg porasta nivoa Bosne. Malo razmišljajte gospodine i evo preporučujem vama i svima ostalima koji kažete da ne treba, pošto očito nešto nije uredu da dođete sutra u 7 bit će ovdje jedan profesor eminentan pa malo porazgovarajte sa njim. Toliko.

Predsjedavajuća Svjetlana Zamboni-Radovanović, hajte već jednom razmislite hoćemo li pare ili nećemo eto tako razmišljajte.

Vijećnik Jasmin Begić (replika), meni je stvarno žao što mi raspravljamo o tome. Ono na čemu smo mi insistirali ne živimo na tom području i ne treba nama most. Ono što je trebalo uraditi, trebalo je što je predsjednik Eldis rekao, trebalo je anketirati ljude, trebalo je javnu raspravu u tim MZ-a. Mi možemo do ujutro diskutovati ovdje treba li nama ili ne treba. Meni ne treba. Ali treba li ljudima tim gore potrebno je javna rasprava, potrebno je anketirati građane da oni daju svoje mišljenje o svemu tome. Zar je to problem neki?

Predsjedavajuća Svjetlana Zamboni-Radovanović, kada govorimo o anketama samo ne možemo, ne tiče se to par stotina ljudi, to se tiče svih 20 i kusur hiljada ljudi. Nije samo par stotina ljudi. Izvolite.

Vijećnik Mirza Mešić (replika), gospodine Begiću, ako ste pročitali studiju, nadam se da jeste. Tamo je sve fino objašnjeno. Čak pojedini ljudi ta jedna dionica gdje ima daju svoju zemlju, bez ikakvog obeštećenja i provedena je rasprava, nije donesen zaključak, ali su ljudi pristali i rekli idemo za to. A ovo što gospođa predsjedavajuća kaže ovo se odnosi na širu zajednicu, ne samo na njih.

Predsjedavajuća Svjetlana Zamboni-Radovanović, i vi se vezujete sa ovo gospodine Pero, obzirom da ste vezani za područje. Izvolite, a Vi ste Bešiću gore. Neka neka, evo neka se čuje, neka čuju ljudi ko šta i kako razmišlja.

Vijećnik Pero Mamić(replika), pozdravljam predsjedavajuću, pozdravljam kolege vijećnike. Evo ja nisam ni SDP ni SDA ali uistinu je teško slušati, vjerujte. Ja mislim da se to mora svesti na jednu stvarno malo normalniju razinu u smislu da se pridržavamo pod broj jedan dnevnog reda. Pod broj dva Načelnik je jasno i glasno rekao. Slažem se ja, ja se u potpunosti slažem javna rasprava, slažem se s mišljenjem ljudi, slažem se mišljenjem šire zajednice to je u svakom slučaju pozitivna stvar. Nikada nećemo naći kompromis među ljudima gdje treba kada je u pitanju sama lokacija i izgradnja mosta. Prirodno je i normalno da će ljudi svi određenih naseljenih mjesta tražiti neki će možda i odbiti, ali u principu velika većina će tražiti hoću da to bude na ovoj lokaciji, bilo bi dobro da bude na ovoj lokaciji. Međutim u samom uvodu kod ove tačke bilo je rečeno ko je radio procjene, ko je predlagao, ko daje novac, na koji način se došlo uopće do izgradnje, eventualne izgradnje ovog mosta itd. i onda to do te mjere ispolitizirati i dovesti na tako banalne razloge ovaj upotrebljavati i govoriti ovdje da li je potrebno ili nije. Ovdje je jednostavno

najjednostavnije rečeno načelnik je iznio u samoj tački, u materijalima stoji ali je najbolje rečeno za ovom govornicom dobili smo ponudu, hoćete ili nećete most. Mijenjat lokaciju nemamo šanse a ponavljam ponovo, nisam protiv toga kada je u pitanju sama javna rasprava po pojedinim pitanjima sasvim je prirodno i normalno, ali kroz same vijećnike koji zastupaju određene prostore sa ove općine u principu se dobrim dijelom i provede ta javna rasprava ako ćemo biti korektni. Ja znam da to mora biti na jedan transparentniji način kada je riječ o samoj toj javnoj raspravi. Međutim ovdje se radi o jednom konkretnom slučaju koji je toliko jasan i glasan da stvarno ja ne razumijem zašto toliko banalizirati i ići tako široko u neakvim stvarima vezano za to. Po meni treba stvarno završiti ovo. Ko je za da se gradi, ko nije za da se gradi. Obrazloženja mogu se dati ,protiv se može dati ali ići do te mjere stvarno mi je malo degutantno. Hvala vam lijepo.

Predsjedavajuća Svjetlana Zamboni-Radovanović, hvala Vam Pero. Bešić. Po mogućnosti da ne otvaramo nove teme ako je moguće. Taman smo priveli kraju čini mi se ovu raspravu .

Vijećnik Mustafa Bešić, evo i ja bih vas sve selamio i pozdravio. Izgleda ovdje bolje malo u prednjim redovima sjediti, imate više šanse da dođete za govornicu. Na kraju te ne vide. Malo šale. Javio sam se, skoro sam bio smeo, Safetu Jašiću samo opasku da mu ispravim, pitanje dvorane u Novom Šeheru. Kada je bio taj period 2012-2016.godina ja sam bio učesnik u tome i bilo je jako tijesno. Znači, Novo Šeherski kraj je lobirao i mi svi vijećnici , nije bilo bitno koja je politička partija. Znači, 14-11 pogledaj tamo kako je bilo glasanje. Ja, Kapić Jasminko i Edo Alispahić smo isto digli ruke. Bilo je ljudi sa Šeherskog kraja, vijećnika koji nisu podržali isto, ja ga znam koji nije. Tako da, sjećam se tih riječi kada sam rekao za govornicom bilo bi me stid da ne podržim, dijete mi ide u školu, nema se gdje igrati. Neka ima ovdje pet, ali da imamo i mi jednu. Što se tiče dvorane u Novom Šeheru mi smo bili u 99 %, svi smo učestvovali u donošenju te odluke. Što se tiče ovog mosta...

Predsjedavajuća Svjetlana Zamboni-Radovanović, samo malo da vas pitam još nešto kada već govorite o toj dvorani. Da li je novac namijenjen za izgradnju sportske dvorane u Maglaju otišao u dvoranu u Šeheru. Hajte recite mi sada.

Vijećnik Mustafa Bešić, ja se ne sjećam sada, ne bih mogao tačno odgovoriti, ali mislim da sa viših nivoa došla sredstva što se tiče dvorane. Ja vam pričam kako smo mi to izlobirali, to je bilo jako teško. Ovdje ljudi iz grada su vukli u Maglaj. Mi smo vukli gore.

Predsjedavajuća Svjetlana Zamboni-Radovanović, i niste dobili taj novac.

Vijećnik Mustafa Bešić, nismo mi dobili taj novac ali smo dobili dvoranu što je nama bitno.

Predsjedavajuća Svjetlana Zamboni-Radovanović, ali ne od tog novca. Gospodine Bešiću morate znati da je Maglaj tada izgubio 300.000,00 maraka.

Vijećnik Mustafa Bešić, što se tiče ovog mosta, slušao sam aktore stvarno ima sigurno boljih pozicija gdje bi trebalo to al vidimo OSCE da bi to usmjerio te pare i mi to možemo samo to prihvatiti ili odustati. Eto toliko. Ja ću dati podršku pa neka ide.

Predsjedavajuća Svjetlana Zamboni-Radovanović, hvala lijepo. Hajte samo, most je spaja dvije MZ-e, rijeka Bosna. Živi bili, dajte da vidimo jeste li za ili protiv.

Vijećnik Edin Salatović, kao neko ko dolazi iz tog kraja, prvo ću vas poselamiti i pozdraviti sve zajedno. Dolazim iz tog kraja, iz MZ-e Bradići i otprilike za, izvinite ružno rečeno ali za razliku od mnogih vas znam o čemu govorim i o čemu se tu radi. Kako je nekada 2004. i 2005. godine sam bio predsjednik Skupštine MZ-e tada se to radilo i mi smo imali jednu inicijativu u kojoj su bile znači MZ-e Bradići, MZ-a Krsno Polje Bakotić, Bočinja, Straište i Globalica gdje smo pravili zajedničku inicijativu vezano za izgradnju mosta na mjestu koje je danas bilo prijedlog broj 1. Ono što je tada bila ta saglasnost svih građana koji su obitavali u tom području i o čemu se tu radi prijedlog je bio da se radi na poziciji koja je danas bila broj 1.iz tog razloga što bi građani koji su živjeli na području Bakotića, Krsnog Polja i Bočinje bi dobili izlaz na željezničku prugu gdje bi se dalje spajali sa Dobojem a mi koji smo bili na drugoj strani Bosne bi dobili jednu komociju da izađemo na regionalni put Maglaj-Zavidovići. Šta se danas dobija znači, lično sam ako se već radi, a svakom od nas interes je da se to podrži ja sam za izgradnju na mjestu broj 1.ako postoje mogućnosti zato što zaista tu ako se vidjeli ovdje imaju jaki argumenti, jer je taj most postojao od 1964 godine na tom mjestu. Mi danas ovdje imamo prijedlog koji ide u mjestu koje realno nikad

nije postojalo, nikad nije bila ni inicijativa da se radi tu. Činjenica da ne spaja on te MZ-e u tom obimu u kojem bi spajao na poziciji broj 1. koja je predložena. Iz tog razloga ja naravno pošto se radi o mojoj MZ-i bi trebao da podržim sve ali samo iz tog razloga zato što mislim da je pozicija broj 1. puno bolje mjesto i puno bi više imalo smisla, imalo razloga da bude na tom mjestu za dobrobit svih MZ-a i u principu bi zaista bio most mira koji bi spajao jedne velike zajednice sa hrvatskom većinom, bošnjačkom i sa srpskom. Samo ću još jednu opasku predsjedavajućoj da me ne shvatite pogrešno. Djeca u Krušiku će uvijek znati za Pontonski most 93 godine i mislim da taj dio našeg identiteta ne trebate uzeti, a to što će...naravno da trebamo u budućnosti raditi na mostovima mira i mostovima koji će spajati ljude, ali nemojte nam uzimati sjećanje.

Predsjedavajuća Svjetlana Zamboni-Radovanović, nisam ja nikada, nemojte...ja moram replicirati prije vas, izvinite molim vas.

Vijećnica Svjetlana Zamboni-Radovanović (replika), dragi kolega, jako ružno od vas što ste to tako predstavili, jako ružno od vas. Građani Maglaja znaju itekako ko sam, šta sam i za šta se zalažem. Ako iko, ja sam glasala za sjećanja, a Klub SDA je bio protiv. Znači, nemojte izvrtati moje riječi. Govorila sam o našoj djeci koja žele da se spajaju, koja žele da se druže o tome sam govorila. Nikome, nikada ne želim oduzeti sjećanje pa ni moje sjećanje neće biti nikada oduzeto. I nemojte izvrtati moje riječi. Ja sam jezičar, kada govorim znam tačno šta govorim.

Načelnik Mirsad Mahmutagić (replika), predsjedavajuća, nemojte da vas žesti tuđe nevaspitanje, ostanite smireni. Dakle, želim replicirati neke stvari koje je ovdje iznio vijećnik Salatović, taman sam pomislio da je vijećnik Salatović uspio jednom izaći za govornicu na normalan način se obratiti a na kraju pokvari sa ovakvom grubom provokacijom, prozivkom i lažima zna se ko je ovdje podržao i sjećanja i ko je bio protiv toga kako reče predsjedavajuća, ali evo ja ću se vratiti mostu, nešto što me asociralo ovdje vijećnik Salatovićda kažem da dodam ali imali ste priliku da to vidite u materijalu koji ste dobili. A ono što niste imali priliku da vidite a žao mi je što svi vi vijećnici niste imali priliku da vidite sastanak od 3,5h. Gospodin Čatić je bio prisutan, mislim da se evo već sada smiješi zna kako mu je bilo na sastanku od 3,5h gdje smo se nosali i krvili sa OSCE-om oko lokacija mosta prije svega je išla priča ranije da li može na drugoj lokaciji i opet bi bio most mira itd. i eliminsana je bilo koja druga lokacija osim ove četiri kako je bilo u materijalu. Jedna ima dvije varijante tako da bi praktično bile četiri. Moja opcija je bila da to bude ova lokacija broj 1. gdje je bio nekada viseći most, koji je bio pješачki nije bio teretni itd. Moje razmišljanje logično je da je gore pomaknut most, tako da se bliži nekako sredi između Zavidovića i Maglaja na oba puta, što bi u nekom tehničkom smislu bilo povoljnije. Ovdje na ovom potezu sam imao primjedbu da praktično u dva kilometra pravimo drugi most i opet sam i tada rekao gospodi iz OSCE-a nismo protiv mostova kad bi bili na sto metara ali pokušavamo da bude malo praktičnije da nemamo u dva kilometra nego da imamo u nekih osam kilometara ili deset ili koja je već razdaljina i da to bude u tom smislu praktičnije. Pa sam im postavljao na neki način i malo bezobrazna pitanja kada su predlagali, da li su mjerili frekvenciju saobraćaja i na jednom putu Maglaj-Zavidovići i na drugom putu Maglaj-Zavidovići. Da li su otvarali strategiju razvoja općine Maglaj itd. svih je tu pitanja bilo i bio je žustar i žestok sastanak od 3,5h. Ono što sam ja znao i zbog čega sam bio i krut i nisam podlegao pritiscima OSCE-a koji su tražili od mene saglasnost za izgradnju ovog mosta. Znao sam da će se poslije politizirati, vidi ga gdje gradi, trebalo je tamo itd. To nisam htio pod cijenu da ne dobijemo most, dakle pod cijenu da ne dobijemo most ja nisam htio da prihvatim tu odgovornost ali sam im obećao da će 28.-og biti sjednica pošto je to bio ciljani datum, ali se može eventualno par dana prolongirati, obećao da ćemo staviti tačku na dnevni red sjednice evo kako se i nalazi. Sve što sam predvidio tamo da bi bilo politiziranje, pisanja gluposti provokacija itd. evo danas smo to ovdje i doživjeli. Ali ću se vratiti ovome zašto nije prošla ova gore lokacija gdje je bio viseći most. U tehničkom pogledu je nepovoljnija lokacija za teret većih vozila, svi podvožnjaci dakle tri ili četiri podvožnjaka na ovim lokacijama su mali, vrlo teško prođe i malo veće luksuzno vozilo a kamoli neki kombi, traktor itd. i zbog tog razloga je inženjer njih stavio kao nepovoljnije varijante. Evo Salatović zna tu gore lokaciju, ne znam ko još zna lokaciju. Išli smo da vidimo ako se dobro sada izrazim da li i onaj podvožnjak gore u rejonu Gobarice i iza Gobarice da li se on može koristiti i da li možemo s

druge strane pruge vratiti put prema nekadašnjoj lokaciji mosta i to je konstata određena kao nepraktično rješenje i ako je rekao da su moguće sve četiri lokacije, ali šta na kojoj lokaciji možete koristiti to je na kraju bilo opredjeljujuće i ostala je ova varijanta koju danas imate. Evo nadam se da ste se ispucali sa svim i svačim i da se vratimo na tačku dnevnog reda. Dakle, tačka dnevnog reda je samo da li dajemo saglasnost na predmetnu ponuđenu lokaciju za izgradnju mosta ili ne dajemo. Ništa više se od nas ne traži. Nakon toga ćemo dostaviti OSCE-u našu odluku kakva god bude bila za ili protiv a oni će vjerovatno svoj odnos prema općini Maglaj ubuduće graditi opet u skladu sa tom odlukom koju mi danas donesemo.

Predsjedavajuća Svjetlana Zamboni-Radovanović, hvala lijepo. Izvolite Suljaković. Zamolila bih Maida ako može da se zadržimo u okvirima ovoga što je rečeno.

Vijećnik Maid Suljaković, dobar dan i selamim sve prisutne. Smatram da je načelnik nam trebao ispričati ovo sve na početku diskusije i da lakše možemo i raspravljati. Ono što bih ja predložio jeste da napravimo pauzu 5 minuta pa da Kolegij zasjedne i da donesemo jednoglasnu odluku po pitanju ovoga.

Predsjedavajuća Svjetlana Zamboni-Radovanović, hvala vam lijepo.

Vijećnik Maid Suljaković, ukoliko OSCE traži da odluka bude jednoglasno usvojena, smatram da bi smo trebali sjesti, odvojiti se i porazgovarati i donijeti najbolju odluku za sve nas. Eto toliko.

Predsjedavajuća Svjetlana Zamboni-Radovanović, razgovarali smo mi i na Kolegiju Maide, malo o tome. Nedžade samo jedno pitanje znači, prije ove pauze tačka dnevnog reda je odabir lokacije za izgradnju mosta preko rijeke Bosne između Bradića i Krsnog Polja. Da li mi trebamo davati i dodatnu saglasnost za to ili je ovo dovoljno ovako kako piše? Samo ovako kao Prijedlog Odluke. Ok, hvala vam lijepo. I odabir lokacije jel tako? U saglasnoti sa materijalom Emina, puše u materijalu to šta je sugerisano od ovog ko je radio studiju već. Evo na prijedlog pretpostavljam da se slažete svi 5 min kratka pauza i onda ako bude trebalo možemo i Kolegij održati ali ako bude Klub imao jedinstven stav ne moramo Kolegij održavati. OSCE ne traži jedinstvenu odluku Maide, odgovor za vas tako da znate. Oni traže odluku vijeća. Zamolila bih vijećnike da zauzmu svoja mjesta, nastavljamo s radom. Možete i stojati ako želite. Zaključujem raspravu po ovoj tački dnevnog reda nakon pauze. Ukoliko žele predsjednici Klubova mogu iznijeti svoje stavove. Izvolite. Rasprava je zaključena.

Vijećnik Jasmin Begić, evo ovako..

Predsjedavajuća Svjetlana Zamboni-Radovanović, Prijedlog Odluke o odabiru lokacije za izgradnju mosta preko rijeke Bosne između Bradića i Krsnog Polja.

Vijećnik Jasmin Begić, ono što sam napomenuo znači, u svom izlaganju je jako koristilo izlaganje Edina Salatovića, čovjeka koji dolazi iz tog terena. I svakako pomoglo je pri našoj odluci i izlaganje načelnika, jer nismo to imali u papirima koje smo dobili. Obrazloženja ova što nam je rekao znači, zadnje njegovo izlaganje nam dosta pomoglo u svemu tome. Nema u materijalima vezano za prvu tačku dnevnog reda. Ja sam je ponovo uzeo odluku i obrazloženje čitao i ponovo nisam naišao na ovo što je rekao. Mi smo tog mišljenja i shodno poruci sa terena da je lokacija broj 1. daleko bolja i ako bude lokacija broj 1. mi ćemo se svakako podržati. Bude li lokacija 2. zatražit ćemo pauzu pa ćemo vidjeti.

Predsjedavajuća Svjetlana Zamboni-Radovanović, ne znam da li ima svrhe praviti više pauze gospodine Begiću, dakle način na koji bih ja predložila izglasavanje ovde odluke bilo bi da donosimo Prijedlog Odluke o odabiru lokacije. Ko je za donošenje takve Odluke i da odmah iznesete stav da li ste za lokaciju 1. ili 2. ne možete biti i za 1. i za 2. ili ne znam već šta. Dakle prijedlog materijala je za lokaciju 2. na osnovu svih sugestija koje su date, obrazloženja Načelnika, ljudi sa terena itd. i sama sugestija u materijalu predlaže lokaciju 2. te ću se držati materijala i u tom smislu dati prijedlog na glasanje. U tom smislu ćete se izjašnjavati. Jel uredu?

Nemam drugog načina jer ne možemo sada ko je za jedan ko je za dva ili evo dat ću ako tako želite ko je za Prijedlog lokacije 1. A ko je Prijedlog lokacije 2. Evo Mešić, izvolite. Ja bih se držala materijala, samo materijala.

Vijećnik Mirza Mešić, ja ću samo kratko u materijalima je jasno objašnjeno da ko je radio studiju i uradio studiju rekao je da je najbolja lokacija broj 2. i takva je nama odluka došla na prijedlog.

Mi ako ovdje podržimo ide lokacija broj 2. I kratko nema dalje ili smo za ili smo protiv, suzdržani. To je to.

Predsjedavajuća Svjetlana Zamboni-Radovanović, struka je rekla svoje, u svakom slučaju od nas ovdje nije niko od ove struke tako da i ja bih se držala prijedloga materijala. Obzirom da smo iscrpili sve diskusije, dakle na osnovu dostavljenog materijala, obrazloženja koja su iznijeta od strane vijećnika, Načelnika općine, te šefa Službe na glasanje stavljam Prijedlog Odluke o odabiru lokacije za izgradnju mosta preko rijeke Bosne između Bradića i Krsnog Polja, te u skladu sa predloženom studijom lokacija 2. Ko je za donošenje ovakve odluke?

Glasalo ZA; Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Hajrudin Ferić (DF).

Glasalo PROTIV; Adis Abdurahmanović, Jasmin Begić, Mirsad Bežić, Safet Jašić, Eldis Kusur, Edin Osmić, Maid Suljaković, Eldin Pehrat, Edin Salatović (SDA),

UZDRŽANO; nema.

Konstatujem da smo donijeli Odluku za odabir lokacije 2. za izgradnju mosta u Prijedlogu.

ZAKLJUČAK

1.1. Donosi se Odluka o odabiru lokacije broj 2 za izgradnju mosta preko rijeke Bosne između Bradića i Krsnog Polja;

AD 2. Prijedlog Odluke o zamjeni nekretnina (Mrvoljak Nisveta) ;

Predsjedavajuća Svjetlana Zamboni-Radovanović, Prelazimo na drugu tačku dnevnog reda.

Nedžade, izvolite. Evo na prijedlog predsjednika Kluba SDP-a, obzirom da slijede sve tačke iz Urbanizma možda da objedinite nekoliko pa da ne izlazite više, pa se možemo izjašnjavati. Izvolite.

Nedžad Ćatić (uvodničar), prijedlog odluke o zamjeni nekretnina, ovdje se radi o zahtjevu vlasnika zemljišta Mrvoljak Nisvete za formiranje građevinskih parcela preko puta karigtonke , to su građevinske parcele po izmjeni Regulacionog plana koji smo imali na prošloj sjednici Općinskog vijeća 39 a, 39 b, 39 c. Formiranje građevinskih parcele 39 c u ovo isto ulazi dio zemljišta koje se vodi kao javno dobro i to smo imali na prošloj sjednici odluku gdje je taj dio zemljišta izgubio status javnog dobra, kako bi mogao biti dalje u prometu. Prijedlogom ove odluke se vrši zamjena nekretnina zemljišta znači, tog zemljišta koje ulazi u građevinsku parcelu a kao zamijena se daje dio zemljišta koje je u vlasništvu Mrvoljak Nisvete koje je već ispod postojećeg trotoara, to je u onom dijelu ispred Vočka. Što se tiče, te odluke toliko. Imamo sada tačka 3. Prijedlog Odluke o gubitku statusa javnog dobra, tu se radi o zahtjevu Mašić Ševale, znači lokacija je u Liješnica, odnosno jedan dio Liješnica, na granici između k.o.Liješnica i Tujnica. To je onaj dio starog puta prema školi Tujničkoj, u tom dijelu je izvršena...zauzimanje dijela javne površine, odnosno javnog puta tako što je već postavljena ograda. Zahtjevom se obratila Mašić Ševala da se formira građevinska parcela za njen postojeći objekat sa ovim dijelom zemljišta koji je dio javnog puta u površini od 60 metara kvadratnih. Na lice mjesta se izlazilo i bila su stručna lica za geodetske poslove, za urbanizam i oni su dali pozitivno mišljenje u tom smislu da se može taj dio pripojiti postojećoj građevinskoj parceli i da ostaje dovoljno prostora pored postojećeg asfalta da se može izgraditi po potrebi i trotoar. Tačka 4. Prijedlog Odluke o usvajanju djelimične izmjene Regulacionog plana Stari Grad, po zahtjevu Lokmić Enise. Mi smo imali u aprilu, Općinsko vijeće je donijelo Odluku o pristupanju djelimične izmjene Regulacionog plana i nakon toga je izvršen odabir izvođača radova, firme koja je vršila izmjenu ovog Regulacionog plana i pošto je bila skraćena procedura sada je na tački dnevnog reda Prijedlog Odluke o usvajanju djelimične izmjene Regulacionog plana, tu se radi o dijelu u Starom Gradu, na Čaršiji i sad lokacija je tamo gdje je

nekada bila otprilike ona samoposluga stara. Sada je to faktički prazan prostor, Lokmić Enisa ima dio zemljišta na kojem želi da izgradi ovaj objekat, međutim po postojećem Regulacionom planu tu je predviđena izgradnja jednog većeg objekta sa pasažom tako da ona nije u mogućnosti da može graditi na svojoj parceli i ona je tražila mogućnost da se izgradi objekat na njenoj parceli. Predviđen je objekat po ovoj izmjeni dimenzija 9x7, gdje zahvata njenu parcelu i dio općinske parcele i ostavlja se između prolaz u unutrašnjost onog prostora gdje je predviđen parking prostor. Prijedlog Odluke pod tačkom 5. je usvajanje djelimične izmjene Regulacionog plana Centar Maglaj Sjeverni dio, ova Odluka o pristupanju izmjene Regulacionog plana je bila u junu mjesecu na Općinskom vijeću. Ovim Prijedlogom Odluke se mijenja namjena prostora u dijelu između objekta Hasić Anite i susjednog objekta koji veže za ulicu Prvog Marta i objekta s druge strane koji veže za Bosansku ulicu. Između ta dva objekta je po važećem Regulacionog plana bio predviđen stambeni objekat koji na toj lokaciji nije moguće izgraditi obzirom na udaljenost postojećih objekata a posebno na činjenicu da nema prilaza, tako da je kroz ovu izmjenju, oni su tražili da se taj prostor, ta parcela pripoji postojećim objektima, izmjenom parcelacije tako da je kroz ovaj prijedlog izmjene ta parcela pripojena kroz izmjenju plana parcelacije ovim postojećim objektima. To je to do 6. ima još ova 9. da sada ne preskačemo.

Predsjedavajuća Svjetlana Zamboni-Radovanović, otvaram raspravu po pitanju druge tačke dnevnog reda, Mrvoljak Nisveta. Zatvaram raspravu. Ko je za donošenje Odluke o zamjeni nekretnina? Protiv? Uzdržan? Konstatujem da smo jednoglasno usvojili ovu Odluku.

ZAKLJUČAK

2.1. Donosi se Odluka o zamjeni nekretnina.

AD 3. Prijedlog Odluke o gubitku statusa javnog dobra u općoj upotrebi Mašić Ševala.

Predsjedavajuća Svjetlana Zamboni-Radovanović, otvaram raspravu. Zatvaram raspravu. Ko je za donošenje ove Odluke? Protiv? Uzdržan? Jednoglasno.

ZAKLJUČAK

3.1. Donosi se Odluka o gubitku statusa javnog dobra u općoj upotrebi;

AD 4. Prijedlog Odluke o usvajanju djelimične izmjene Regulacionog plana Stari Grad Maglaj po zahtjevu Lokmić Enise

Predsjedavajuća Svjetlana Zamboni-Radovanović; otvaram raspravu. Zatvaram raspravu. Ko je za ? Protiv? Uzdržan ? Jednoglasno.

ZAKLJUČAK

4.1. Donosi se Odluka o usvajanju djelimične izmjene Regulacionog plana „STARI GRAD“ Maglaj po zahtjevu Lokmić Enise;

AD 5. Prijedlog Odluke o usvajanju djelimične izmjene Regulacionog plana „Centar Maglaj-sjeverni dio“ po zahtjevu Hasić Anite

Predsjedavajuća Svjetlana Zamboni-Radovanović, otvaram raspravu. Zatvaram raspravu. Ko je za donošenje ove Odluke? Protiv? Uzdržan? Konstatujem da smo jednoglasno usvojili i ovu odluku.

ZAKLJUČAK

5.1. Donosi se Odluka o usvajanju djelimične izmjene Regulacionog plana „Centar Maglaj – sjeverni dio“, po zahtjevu Hasić Anite;

AD 6. Prijedlog Odluke o radnom vremenu ugostiteljskih objekata na području općine Maglaj;

Predsjedavajuća Svjetlana Zamboni-Radovanović, u samom uvodu nešto je rečeno ne znam da li ima potrebe da Nedžad da uvodnu riječ. Nema. Otvaram raspravu. Gospodin Šehić.

Vijećnik Senad Šehić, sve vas lijepo pozdravljam. Evo ovako, kada je u pitanju predhodna Odluka koju smo donijeli u julu mjesecu a koja je važila do 30.09. u suštini bila je najbolji primjer javne rasprave. Dakle, ako ste pratili reakcije pogotovo na društvenim mrežama vlasnici ugostiteljskih objekata su bili izuzetno zadovoljni i također naši sugrađani pogotovo mladi ljudi i ja koliko znam i koliko sam pratio ta tri mjeseca nije primjetno niti jedno kršenje javnog reda i mira. Protjeklo je sve u najboljem redu. Ja sam razgovarao sa 90% vlasnika ugostiteljskih objekata kada je u pitanju gradska jezgra. Oni su svi izuzetno bili zadovoljni tako da kažem popravili su i svoje poslovanje poslije onog zatvaranja koje je bilo uslovljeno pandemijom Covida. Dakle, mogli su planirati određene događaje, svirke navikli su ljude na to i onda je Odluka prestala važiti 30.09. i ponovo smo ušli u te neke probleme sa tim radnim vremenom, ja sam ponovo razgovarao sa većinom njih. U suštini, oni su bili zadovoljni da se ista Odluka ponovi i u narednom periodu. Na kraju krajeva bili su izuzetno korektni kada su sada davali prijedloge za ovu novu Odluku da konačno riješimo zastalno to radno vrijeme. Sami su rekli da nije potrebno da rade ugostiteljski objekti duže od 23h radnim danima, da im je u suštini bitan samo vikend. Da u suštini svi događaji i sve svirke završavaju svakako do 12, da jednostavno ostaje taj prostor da u miru zatvore objekat i privedu radno vrijeme kraju. Dakle, treba razdvojiti svakako radno vrijeme i izvođenje muzike uživo u ugostiteljskim objektima. Dakle, ovdje je naglašeno da svakako treba dozvola uz odobrenje nadležne općinske Službe kada je u pitanju izvođenje muzike uživo. Dakle, ima ovdje kolega koji su tada kada su radili ovu odluku u junu mjesecu predlagali radno vrijeme neko i do 3 sata ujutro a sada bi ovu Odluku slali na javnu raspravu dakle zaista nema potrebe. Generalno puna su nam usta kako naši mladi nemaju gdje izaći u Maglaju, kako u 11 moraju kući ili se uputiti dole prema Jelahu. Dakle, evo ovo je sada prilika da jednom za sva vremena donesemo to konačno radno vrijeme koje će ostati zastalno. To je to, hvala.

Predsjedavajuća Svjetlana Zamboni-Radovanović, hvala lijepo. Gospodin Fermić.

Vijećnik Hajrudin Fermić, ja ću pokušati zaista najkraće da iznesem...

Predsjedavajuća Svjetlana Zamboni-Radovanović, u šest minuta.

Vijećnik Hajrudin Fermić, i kraće evo zato sam i pomenuo da ova moja diskusija i kada je u pitanju i 6. i 7. tačka neću izlaziti po njoj. Zapravo pokazuju prvo da bi trebali, a samim tim i morali kao odgovorno zakonodavno tijelo poštovati procedure koje su u Poslovniku navedene, jer ako selektivno nešto radimo ovo hoćemo poštovati, ovo nećemo poštovati nije dobra poruka nikome. U Poslovniku stoji kad se Odluke donose u ovoj redovnoj procedure iz tih razloga ja sam predložio da bude redovna rasprava pogotovo što je veliki broj zainteresovanih strana na neki način itekako zainteresovan za tematiku koja se reguliše. Dakle, prije svega naravno da su zainteresovani vlasnici ugostiteljskih objekata, da su zainteresovani uslovno rečeno građani koji žele da idu u ugostiteljske objekte u ta vremena dakle, najpoželjnija za njih a isto tako i ona treća grupacija ljudi koji se već duže vrijeme žale na buku i nije to ništa od jučer. Na buku se žale i oni

kojima na željeznici tamo se radi. Žale se na buku u ugostiteljskim objektima, žali se svako. Ono što je najbitnije dakle i ti ljudi trebaju da budu pitani, a veliki je broj zaista. Mi smo ove sve tačke imali prije 3 godine na dnevnom redu u prošlom sazivu, prolazile su. Na neki način kompromisno donesene važeće odluke iz jednog razloga, a to je da mi imamo nešto što je starije od ove odluke a stariji su Zakon o javnom redu i miru i Zakon o zaštiti od buke, Zakon o zaštiti okoliša. Dakle od buke federalni i kantonalni, Zakon o zaštiti okoliša i federalni i kantonalni koji također uređuju ove oblasti. Dakle nije to samo naša autonomna oblast, nije to isključiva nadležnost lokalne zajednice i tamo je decidno propisano šta je zabranjeno a šta nije u zakonu. Mislim da ne bi trebalo ići da neke stvari uređujemo mimo zakona. Ne bi smjeli da idemo to je druga stvar. Naravno, treći neki razlog jeste u činjenici da zaista se mi svi ovdje slažemo da treba osigurati vlasnicima ugostiteljskih objekata i svim građanima koji žele da koriste te usluge da rade nesmetano i ja sam prije tri a evo i sada ponavljam, ja bih najradije da oni rade 24h i nema nikakvog argumenta. To je naša nadležnost da im ne propišemo da rade 24h da im uopće ne ograničavamo radno vrijeme međutim nešto što je zakonom ograničeno, a to je korištenje muzike uživo, korištenje akustičnih uređaja u prostorima itd.itd.to je zakonom regulisano i mi samo da nađemo jedan kompromis i bili bi svi, ali apsolutno zadovoljni. To su ti neki razlozi zbog čega sam ja i potencirao da ide na javnu raspravu i da to u nekoj redovnoj procedure uradimo. Mislim da ćemo ovim donošenjem, donošenjem ove odluke ali vidim da je raspoloženje takvo da većina donese ovu odluku, napraviti ogromne probleme jednom broju građana ali najprije policijskoj stanici u njenom radu i sigurno da će se osjetiti posljedice.

Predsjedavajuća Svjetlana Zamboni-Radovanović, hvala lijepo. Evo ja ću samo kratko stvarno.

Vijećnica Svjetlana Zamboni-Radovanović, evo ne ulazeći u tako detaljnu analizu kao kolega Fermić ono što je moja želja kao vijećnika koji nije stručnjak za ovu oblast jeste da našim građanima omogućimo dobar provod, ugodan život u ovom gradu. To je jedino što mene vodi prilikom donošenja ove odluke. Jedanaest, dvanaest ili jedan.

Predsjedavajuća Svjetlana Zamboni-Radovanović, vijećnik Begić.

Vijećnik Jasmin Begić; mi smo svakako za što god što će doprinjeti boljem ekonomskom poslovanju u Maglaju mi ćemo to podržati. Samo što se tiče ove tačke broj 7. Zakon o javnom redu i miru nije na lokalnom nivou. Treba to malo dobro da vidimo prije nego donosemo odluku, da stvarno neko ne bi imao problem. U ovom slučaju mi nećemo, mi smo opozicija ali trebalo bi stvarno vidjeti Zakon o javnom redu i miru šta kaže. Ja ga nisam gledao, slušajući izlaganje gospodina Fermića mislim da treba pogledati i prije nego što donesemo konačnu odluku.

Predsjedavajuća Svjetlana Zamboni-Radovanović, dobro Zakon se odnosi na cijelu federaciju, tako da ako nije problem u Tešnju, ne bi trebalo biti ni nama. Hajte mada nemamo predviđene druge diskusije ni po Poslovniku al hajte.

Vijećnik Hajrudin Fermić, ovo sam htio reći. Važna je stvar da ovdje u ovim odlukama se kaže nadležni organ i gore Služba za privredu i ako platite taksu vi ćete dobiti dozvolu. Međutim da se doda u ove odluke uz predhodnu dozvolu ili saglasnost Službe za urbanizam sve bi se riješilo. Eto to je. Zato ja insistiram da ili se doda to uz predhodnu saglasnost Službe za urbanizam ili da se ne usvoji.

Predsjedavajuća Svjetlana Zamboni-Radovanović, a zašto predhodnu saglasnost Službe za urbanizam? Dobro evo imali ste obrazloženje, nije gospodin Fermić. Nedžade, hoćete vi to s njim iskordinirati, predstavljate Službu. Kažite šta Služba kaže na ovo. Ništa Služba, nema potrebe. Dobro evo čini mi se da je iscrpljena diskusija. Pauza Klub SDA. Nastavljamo s radom. Pauzu je tražio Klub SDA, hoćete iznijeti svoj stav ili da se odmah izjašnjavamo.

Vijećnik Eldin Pehrat, selamim i pozdravljam sve prisutne. Dakle, što se tiče 6. tačke dnevnog

reda Prijedlog Odluke o radnom vremenu ugostiteljskih objekata Klub vijećnika SDA će podržati ovakvu odluku. Naravno uvijek ćemo podržati sve što je u korist naših sugrađana u ovom slučaju vlasnika ugostiteljskih objekata. Što se tiče tačke 7. dnevnog reda dakle ponukani izlaganjem gospodina Fermića, smatramo da zakonska procedura nije u konačnici u potpunosti ispoštovana tako da ćemo mi po ovoj tački biti suzdržani.

Predsjedavajuća Svjetlana Zamboni-Radovanović, Emina treba nešto.

Emina Hasanić, vezano za 6. i 7.tačku. 6. tačka je takva kakva jest i vi je prihvatate ok, a 7. tačka je samo izmjenjena na osnovu 6.-te tačke Odluka o izmjeni je samo u odnosu na 6.-tu tačku. Ako prihvatate 6.-tu onda prihvatate i 7. tačku. Znači, izmjene su napravljene na osnovu te 6.-te tačke. Mi imamo već postojeću Odluku o javnom redu i miru. Znači, postojeća Odluka se mijenja samo u onom dijelu u odnosu na 6.-tu tačku. Ništa drugo i ono za kućne ljubimce, što smo rekli na Kolegiju. Znači, ništa drugo.

Predsjedavajuća Svjetlana Zamboni-Radovanović, Mešić. Na Kolegiju je to objašnjeno čini mi se jasno.

Vijećnik Mirza Mešić, ja ću samo vezano za ovu 7. tačku što se govori. Na 7. sjednici čini mi se da sam ja ovdje podnio usmenu inicijativu na zahtjev građana što se odnosi tamo za izmjene , na javni red i mir u pitanju. Na osnovu toga je znači, i urađeno tamo u Službi, jer su građani tražili. Da imaju problem itd.odnosno i policijski službenici koji su učestvovali u izradi te Odluke su tražili način kako da se riješi.

Predsjedavajuća Svjetlana Zamboni-Radovanović, govorite o kućnim ljubimcima sada?

Vijećnik Mirza Mešić, da da, 7. tačka. Ima propisano sve, ali nije bilo kaznene odredbe i to je izmjenjena.

Predsjedavajuća Svjetlana Zamboni-Radovanović, objašnjeno je to sve. Mi sada govorimo o javnom redu i miru, vezano za rad ugostiteljskih objekata. Evo Emina je jasno objasnila čini mi se a vi opet prilikom glasanja znate kako ćete se izjasniti. Zaključujem raspravu po 6. tački dnevnog reda te na glasanje stavljam Prijedlog Odluke o radnom vremenu ugostiteljskih objekata na području općine Maglaj. Ko je za donošenje ovakve odluke? U skladu sa prijedlogom naravno.

Glasalo ZA: Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Senad Šehić(SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić(HDZ BiH), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović (SDA),

Glasalo PROTIV: nema.

UZDRŽANO: Hajrudin Fermić(DF), Maid Suljaković, Mirsad Bežić(SDA).

ZAKLJUČAK

6.1. Donosi se Odluka o radnom vremenu ugostiteljskih objekata na području općine Maglaj;

AD 7. Prijedlog Odluke o izmjeni i dopuni Odluke o javnom redu i miru broj 02-05-1-1511/18 od 04.07.2018.godine

Predsjedavajuća Svjetlana Zamboni-Radovanović, Emina je evo sada objasnila zašto se mijenja ova Odluka i na Kolegiju smo imali u kaznenim odredbama ubacili smo samo još tačku 17. koja se

odnosila na kazne vezano za kućne ljubimce, jer je nedostajalo u kaznenim odredbama i jedna izmjena dakle u ovoj Odluci je vezana za ovo dvoje. Otvaram raspravu mada ste već iznijeli stavove. Zatvaram raspravu, te na glasanje stavljam Prijedlog Odluke o izmjeni i dopuni Odluke o Javnom redu i miru. Ko je za?

Glasalo ZA : Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Adis Abdurahmanović, Jasmin Begić, Safet Jašić, Eldis Kusur, Edin Osmić, (SDA),

Glasalo PROTIV: nema.

UZDRŽANI: Hajrudin Ferić (DF), Maid Suljaković, Mirsad Bežić, Edin Salatović, Eldin Pehrat (SDA).

ZAKLJUČAK

7.1. Donosi se Odluka o izmjeni i dopuni Odluke o javnom redu i miru broj:02-05-1-1511/18 od 04.07.2018.godine ;

Ad 8. Prijedlog Odluke o davanju ovlaštenja Načelniku općine u postupku okončanja pravnih procedura za objekat namijenjen za socijalno neprofitno stanovanje upisano u ZK uložak broj 1770 k.č.2348/3 zgrada i dvorište.

Predsjedavajuća Svjetlana Zamboni-Radovanović, treba li ovdje davati uvodnu riječ? Evo Nedžad izvolite. Ne trebate. Načelniče hoćete Vi? Vezano za saglasnost koju vam dajemo u postupku okončanja pravnih procedura, zgrada i dvorište. Mislim da je u materijalu. Ne treba. Evo otvaram raspravu. Zatvaram raspravu te na glasanje stavljam Prijedlog Odluke o davanju ovlaštenja Načelniku općine. Ko je za ?

Glasalo ZA : Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Hajrudin Ferić (DF).

Glasalo PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Maid Suljaković, Mirsad Bežić, Edin Salatović, Eldin Pehrat (SDA),

UZDRŽANI: nema

Konstatujem da smo usvojili i ovu odluku.

ZAKLJUČAK

8.1. Donosi se Odluka o davanju ovlaštenja Načelniku općine u postupku okončanja pravnih procedura za objekat namijenjen za socijalno - neprofitno stanovanje, upisan u ZK uložak broj 1770 k.č. broj 2348/3 „Zgrada i Dvorište“;

AD 9. Prijedlog Rješenja o utvrđivanju prava vlasništva u korist Husić Mehmeda iz Kosove;

Predsjedavajuća Svjetlana Zamboni-Radovanović, Nedžad je tu ako treba pojasniti. Ne treba ništa. Otvaram raspravu. Zatvaram raspravu. Ko je za donošenje ovog Rješenja? Protiv? Uzdržani? Konstatujem da smo jednoglasno usvojili i Prijedlog rješenja o utvrđivanju.

ZAKLJUČAK

9.1. Donosi se Rješenje o utvrđivanju prava vlasništva u korist Husić Mehmeda iz Kosove;

AD - 10 Odluka o imenovanju povjerenika MZ-a na području općine Maglaj;

Predsjedavajuća Svjetlana Zamboni-Radovanović, prelazimo na 10.-tu tačku dnevnog reda , Odluka o imenovanju povjerenika MZ-a na području općine Maglaj. U diskusiji oko dnevnog reda, Šefica Službe je već obrazložila o čemu se radi i zašto je potrebno donošenje ovakve Odluke. Otvaram raspravu. Jedna ispravka. Mešić.

Vijećnik Mirza Mešić, u pitanju je Ravna, mislim da se momak preziva Hasagić, a ne Hasanić, ali opet tamo da je Hasagić Jasmin, a ne Hasanić Jasmin.

Predsjedavajuća Svjetlana Zamboni-Radovanović, i ovdje Čobe.

Vijećnik Mirza Mešić, Smailović, a ne j. eto to je to.

Predsjedavajuća Svjetlana Zamboni-Radovanović, tehnička dakle potrebna ispravka. Gospodin Ferić.

Vijećnik Hajrudin Ferić, ma prihvatit ću ja ovaj prijedlog rješenja svakako, jedino bih zamolio, zatražio da preciziramo kako god hoćete da ovo bude definitivno zadnji rok od 3 mjeseca ovim postojećim povjerenicima da završe proces izbora članova Vijeća MZ-a, ukoliko to ne urade da će onda to uraditi nadležna Služba, odnosno promijeniti povjerenika i uraditi nadležna Služba. Da jednostavno podvućemo refu i da kažemo evo vam još tri mjeseca, provedite to i koliko ja imam informacija vidim i nema tih imena ovdje pet čini mi se, šest MZ-a je to već uradilo. Elegantno nema nikakvih zvona u javnosti, znači sve je prošlo kako treba. Eto tako se to isto i u drugim MZ-a uraditi.

Predsjedavajuća Svjetlana Zamboni-Radovanović, pa dobro možemo insistirati ali opet ćemo morati postupiti po slovu zakona. Dakle opet bi bilo...

Vijećnik Hajrudin Ferić, zaista postoji opasnost da od pojedinih povjerenika ne uzimajući nikog konkretno možda postoji i svjesna namjena da se to tako prolongira, da se jednostavno ne desi izbor vijeća. Mislim da, pričali smo o MZ-a već dvije godine, nema kakvih teških riječi nije bilo. Sasvim je zaista dovoljno vremena, naredna tri mjeseca da se to završi. Ništa više, samo da budemo efikasni.

Predsjedavajuća Svjetlana Zamboni-Radovanović, hvala lijepo, izvolite Jašiću.

Vijećnik Safet Jašić, ne znam stvarno, nije daleko iza nas protekla sjednica Općinskog vijeća gdje smo donijeli jednoglasno odluku kad su u pitanju MZ-e da se do 30.10. moraju završiti. Prema tome, ja smatram da je to bio jedan solidan rok, a Odluka o povjereništvima je bila ranije donesena. Ovo je samo Šefica Službe predložila, pitali smo je i ona je rekla da to bude 30.10. i da je to sasvim moguće da se završi. Što se tiče nas i govorit ću konkretno i o svojoj MZ-i i svima ostalima ovim koji nisu izvršili izbore. Ne vjerujem ja da oni imaju bilo čiji mig ili saglasnost da to razvuku na neki način i šta ja znam. Mi nećemo biti ni za jednog ovog povjerenika koji je trenutno predložen. Niti za jednoga. Ako nisu bili u stanju sazvati Zbor građana, mislim da mi nemamo tu šta pričati. Ja lično smatram da nije niko vrijedan nečega da ispašta, svi građani ispaštaju u lokalnoj zajednici, odnosno u jednom MZ-i zbog nečiji indolentnosti ili nerada ili tako nešto i sada mogu ja zamisliti kako će to oni provesti izbore, kako će sazvati zborove i kako će raditi u mandatima kada budu imenovani akobogda u MZ-e. Otprilike to tako bude, ako će to tako biti mi ćemo imati i ovaj mandat stalno problem, problem s MZ-a. Kako je to završio Moševac, kako su

ostale MZ-e završile. Sa ovim 30 dana novih mi ulazimo u januar, ulazimo u januar gdje neće biti uslova ponovo da se održe zborovi. Znači, ode to tamo do aprila. Mislim da nije korektno od tih ljudi, nije uredu zbog onih građana koji predstavljaju, odnosno znači, dolaze. Tako da ako ima nešto što mi ne znamo ali ne bi trebalo, oni su dobili odriježene ruke i to im je jedini posao bio da provedu te izbore, nisu ni to uspjeli. Ja smatram da nisu u stanju da vode MZ-e.

Predsjedavajuća Svjetlana Zamboni-Radovanović, hvala vam Jašiću. Eldina se javila ako dozvolite, naravno da imate prednost, ali vjerovatno će dati neko pojašnjenje. Eldina, hoćete molim vas Vi?

Eldina Mehinagić, evo ovako, mi smo na prošloj sjednici Općinskog vijeća donijeli odluku da se promijeni jedan član bivše odluke vezano za izbor i imenovanje rukovodstva u MZ-a i zaista je tačna i jedna i druga konstatacija i od gospodina Jašića i gospodina Fermića kada su u pitanju ove stvari da se više ne odužuje i da se više ne ide u širinu. Obzirom da smo mi prije nepunih mjesec dana donijeli tu odluku a ubrzo je trebalo biti i kraj oktobra, tada smo donijeli odluku da se izbor i imenovanje rukovodstva, ne odluku pardon nazvat ću ga zaključak kako se već zove da se izbor i imenovanje rukovodstva u MZ-a provede najkasnije do oktobra mjeseca. Nemojte mi zamjeriti ako baš pravno ne budem to obrazlagala kako treba, ja ću to po naški. Tada smo se bili dogovorili da se i zbog silnih projekata koji idu, da se izbor i imenovanje rukovodstva u svim MZ-a provede do kraja oktobra ove godine. Tada smo dobili jednu sugestiju da određene MZ-e objektivno neće moći provesti procedure obzirom da mi svi znamo da na prvom Zboru građana nikad ne prođe to sve, pa mora proći određeno vrijeme i tada je donešen zaključak da se... obaveza je do kraja oktobra ukoliko se to ne realizuje pošto nam ističe ovaj mandat povjerenicima da naredni povjerenici koji budu imenovani to moraju završiti u svom mandatu. Znači, ovo što kaže gospodin Fermić kada sad im produžimo onaj ko ne bude u roku od 90 dana proveo Zbor građana preuzimaju nadležne službe i preuzimamo po zakonskim procedurama, a ovi koji su do sada imenovani oni su već dostavili nama podatke, s tim da su i te MZ-e koje su izvršile izbor i imenovanje rukovodstva ni jedna nije od prvi put. Neke su od drugi, neke od treći put i objektivno treba najmanje možda mjesec do mjesec i pol dana u nekim MZ-a da se provedu procedure. Tako da, na neki način stoji i ovo da smo rekli nema više, dali smo rok a stoji i činjenica da smo rekli za one MZ-e koje ne provedu zbor građana da će im se još samo jednom produžiti. U slučaju da to one ne budu odradile vi možete sada kao vijeće donijeti zaključak da ovi povjerenici ukoliko ne provedu Zbor građana u datom vremenskom period pa sada navedete koje će mjere biti, da li će to Služba provesti, da li će to ne znam ni ja, ne mogu, ja ne znam taj dio. Znači, vi možete donijeti takvu odluku ali smo tada već donijeli odluku da ovi ako to ne odrade onda preuzimamo obaveze koje predhode.

Predsjedavajuća Svjetlana Zamboni-Radovanović, pitanje imate za Eldinu? Eldina, nemojte onda odlaziti molim vas.

Vijećnik Safet Jašić, ma evo Šefica je tu pa neka onaj...ja mislim da je ovo treći put kako oni dobijaju po tri mjeseca kao povjerenici.

Predsjedavajuća Svjetlana Zamboni-Radovanović, samo se moramo prisjetiti da su mjere bile na snazi koje nisu bile omogućile provođenje. Moramo to uvažiti. Nismo mogli znači, iz objektivnih razloga, nije se moglo uraditi., tako da....

Vijećnik Safet Jašić, dobro može biti prvi, ali ne može drugi, treći i četvrti. Evo imam informaciju znači četvrti puta. Mislim da je ovo ipak, moramo ovu uozbiljiti stvar. Mi smo trebali donijeti na prošloj sjednici onda takvu odluku, ko nije proveo, ko ne provede za ovaj period i ne treba tri mjeseca, treba tri sedmice za tri zbora. Svaki sedam dana možeš zakazivati ako ne uspije prvi puta, za sedam dana drugi, ne uspije drugi za sedam dana treći. Znači, dvadest dana realno to se može završiti, za mjesec dana to se može završiti. Ovdje treba u tom pravcu ići, napraviti taj neki da ne uđemo baš u januar kada je najveća hladnoća i nema se uslova za provođenje izbora.

Predsjedavajuća Svjetlana Zamboni-Radovanović, prvi se javio Almin Smailović, pa je onda Abdurahmanović.

Vijećnik Almin Smailović, ja bih pozdravio sve prisutne. Na sličnom sam fonu vezano za MZ-e kao i Safet . Mislim da trebaju MZ-e završiti svoj proces, neke su već počele to će biti završeno u narednih 15-20 dana, što znači da bi ovo trebalo biti zadnje produženje povjereništava unutar MZ-

a. Što se tiče Čoba mi smo prvi zbor održali neuspješno, nismo imali dovoljno ljudi, nije bilo kvoruma, bit će drugi, bit će treći tako da mislim da ovu famu oko MZ-a trebamo dovesti do kraja. Ko bude izabran neka radi naredne četiri godine da se ne povlačimo oko tih povjereništava i da ne zamaramo više ni Službu, naravno i taj zaključak nije sporan da u roku od ovih narednih tri mjeseca koliko se uvodi novi povjerenik, da provede zbor jer ako stvarno nije u stanju da provede zbor unutar tog vremenskog perioda nema šta ni tražiti. U tom dijelu mislim da MZ-e koliko imam informacije idu svojim tokom, da će one većina i mislim i sve provesti te zborove građana i da će biti izabrana legalna rukovodstva koja će u naredne četiri godine obavljati svoje funkcije, tako da eto otprilike tu smo negdje po pitanju mišljenja oko izbora imenovanja.

Predsjedavajuća Svjetlana Zamboni-Radovanović, Eldina, treba li donijeti još neki zaključak uz ovu Odluku? Da budemo jasni do kraja.

Eldina Mehinagić, obzirom da je nama svima u interesu da mi što prije ovo završimo i svakako ulazimo i u zimu, ja mislim da po članu 102. tamo Statuta Općine Maglaj stoji imenovati povjerenika u roku od 90 dana. Ne znam da li je do ili od. Mislim da mi možemo možda čak i taj period smanjiti, ne mora biti 90 dana.

Predsjedavajuća Svjetlana Zamboni-Radovanović, neka bude 90. Ide nam sada i Nacrt Budžeta.

Eldina Mehinagić, dobro ništa, ja samo kažem eto.

Predsjedavajuća Svjetlana Zamboni-Radovanović, dobro. Izvini Eldis se javio prije.

Vijećnik Eldis Kusur; naravno da se ovaj problem treba riješiti, evo već četvrti put o istom govorimo. Samo mene interesuje da li ovi povjerenici imaju neke instrukcije ili uputstva o načinu provođenja izbora u MZ-a i to me samo interesuje, ništa drugo. Svakako što prije treba to završiti i ja znam da imaju neke MZ-e gdje ne mogu ljude ni okupiti ali imamo tri puta možemo zakazati zbor da se izabere to neko rukovodstvo i nije da vam pravo kažem ni jagma da se radi u MZ-a, niko to i neće.

Predsjedavajuća Svjetlana Zamboni-Radovanović; evo čini mi se Šefica kaže da imaju upustvo ali evo Eldina izvolite.

Eldina Mehinagić, svi povjerenici, mi smo nazvali sve povjerenike kada smo im davali Odluke zaista smo svima rekli sve što im treba da nas pozovu, mi ćemo im pojasniti. Čak im i pripremimo one papire ukoliko bude potrebno kad će biti zbor, ako imaju neku nesuglasicu ili nešto oni nas prozovu i mi to stvarno objasnimo. Nema nekog uputstva da budem iskrena, postoji Statut, postoji Odluka o osnivanju i potvrđivanju MZ-a i to je to. Nema nešto posebno napisano.

Predsjedavajuća Svjetlana Zamboni-Radovanović, dobro evo i ovdje Emina sugerije da je većina već ušla u neke procedure, zapravo treba ponoviti samo onoliko puta koliko je Statut propisao.

Eldina Mehinagić, ja mislim da se samo par MZ-a nije javilo a ove sve MZ-e su već u fazi drugog eventulanog trećeg održavanja zbora građana, tako da je to možda u 70% MZ-a već završeno.

Predsjedavajuća Svjetlana Zamboni-Radovanović, dobro, gospodin Begić

Vijećnik Jasmin Begić, ono što sam htio reći za MZ-e, mada se nismo pripremali za to. Prošli put kad je bila odluka, fino sam rekao znači, ne zbog politike zbog bilo čega drugog izaberite ljude koji će odraditi posao. Needgovornost je najveći problem ovih povjerenika. Mene tuži jedna činjenica da ima vijećnika koji su ovdje u vijeću i nisu sproveli proceduru, tri mjeseca ima. a znamo da smo prošlu odluku rekli dajte da izaberemo ljude koji imaju vremena da to urade. Ja bih ovom prilikom pohvalio Bakulu koji je odradio odmah i završio posao. Odmah, završila je Liješnica i to na kvalitetan način i molim vas ako je problem ovi ljudi nemaju vremena, razumijemo svi imamo poslove izaberite druge ljude i nemojte više da oduglovačimo tri mjeseca, po tri mjeseca ako nije organizovao za 120 dana neće ni za 30. Budite sigurni da neće. Doći će nam ovo opet ponovo za tri mjeseca.

Predsjedavajuća Svjetlana Zamboni-Radovanović, dobro, da ne otvaramo sada još neke nove teme. Mislim da su sve manje-više MZ-e prema informacijama koje mi imamo otpočele procedure a u skladu sa Statutom mora drugi, treći saziv biti. Abdurahmanović.

Vijećnik Adis Abdurahmanović, ja ću vas sve poselamiti, pozdraviti pošto izlazim prvi puta i mogu vam reći da sam nakon dugih niz godina oko ove teme pozitivno iznenađen i da svi pričamo jedno i imamo isti cilj. Dajte da se to sprovede, ko će biti što je neko rekao od kolega nije neka ni jagma. Međutim, kako je naglasila šefica Službe prošli put, ona je pokazala koliko je spremna pomoći i koliko je važno da ja sada ne ponavljam koliko je važno da to završimo i složiti ću se sa izlaganjem kolege Jašića i Ferića sada ne ponavljam sve te stvari, međutim mi smo ne odluku nego zaključak prošli puta donijeli da to bude 30-ti s tim da nije obavezujuće da će biti da neko ne može. Međutim, ja sad brojim ovdje neke imamo 14-15 povjerenika, znači da smo nekih šest MZ-a završili. Problem je što mi do tog 30-tog, imamo MZ-a koje nisu ni zakazali, svjesni smo niti jedna neće od prvi put jer imamo ono 10%. Evo recimo moja MZ-a 150 ljudi nema šanse svi smo svjesni ali uradit ćemo završit ćemo, potrudit ćemo se svi da dođu ljudi i da izaberemo ko će biti. Nije ni bitno, dajte da radimo. Ja bih sada predložio jedan zaključak evo Šefica da ako nije neka ispravi, ipak ne bih ja, nemojte da ulazimo da ne završimo posao u ovoj godini. Tri mjeseca uredu rok smo im dali, produžili smo im mandate međutim dajte da damo, vi ste naglasili imamo Budžet, bit će tijesno to se može raditi i pored ovog što mi imamo obaveze ovdje. Dajte da im damo rok neki, evo odmah nek krenu ko nije zakazao neka ga odmah za vikend zakaže da idemo, da napravimo rok od mjesec dana, mesec i pol koliko treba ne tri mjeseca koliko traju mandati. Dajte zaključak što prije pa ljudi moji neću nikog kriviti za ovom govornicom, ali dajte jesmo li svjesni da će proći godina pa niti jedna MZ-a nije bila u mogućnosti uputiti niti jedan projekat, šta vam je dajte da radimo. Nisam za to da ide, neću nikoga kritikovati dosta sam kritikovao i ja za ovom govornicom po tom pitanju evo svi smo sada na jednom fonu ali dajte nemojte da to bude tri mjeseca, dajte Šefice predložite neki razuman rok mjesec, mesec i pol i da to završimo. Potrudit ćemo se svi, pomoći ćemo jedni drugima iz drugih MZ-a zvati kolege neka dođu ljudi neka se odazovu da to završimo. Toliko i hvala.

Predsjedavajuća Svjetlana Zamboni-Radovanović, evo Bakula nudi da on sve pozavršava MZ-e. Eldina hoćete se osvrnuti na ovaj prijedlog ili...

Eldina Mehinagić, meni iskreno odgovara činjenica da se to završi što prije, samo eto kažem ja mislim da se može, zato sam i pitala da li stoji do 90 dana ili u roku od 90 dana. Znači, ako stoji u roku od 90 dana možete rok bilo koji odabrati. Nisam sigurna...u roku od 90 dana. Činjenica je i to da ide i završni račun, činjenica je da ide dosta stvari i da povjerenici odnosno predsjednici trebaju to sve da ispotpisuju. Ja sam isto mišljenja da što se da prije rok, prije će se završiti. Ona MZ-a koja to ne bude, neka to odradi ne mogu sada reći Služba ali ja lično mislim da bi što prije bilo bolje po meni.

Predsjedavajuća Svjetlana Zamboni-Radovanović, Mešić.

Vijećnik Mirza Mešić, evo ja ću kratko vezano za ovo, svaki put izađem. Ovdje piše u roku, ja vjerujem vi možda niste upućeni bit će to gotovo možda i do polovine 12 mjeseca, sve MZ-e. Ima još određenih MZ-a koje su već sazvale za sutra, sljedeću sedmicu, što znači da će to biti. Evo i Kosova bit će gotova sigurno u narednih mjesec dana. Ovo neka bude taj zaključak, kako je Almin rekao posljedni rok da se odrade sve MZ-e da se završi i to je i bit će sigurno gotovo do Nove godine, garantujem ja .

Predsjedavajuća Svjetlana Zamboni-Radovanović, opet nisam razumjela, jel da se mijenja ili ne mijenja? Ne duže od 90 dana. Eto to je to otprilike. Hajmo mi se o Odluci izjašnjavati, nema šta. Cilj nam je svima da to što prije se završi. Zaključujem raspravu. Ko je za donošenje Odluke o imenovanju povjerenika MZ-a na području općine Maglaj, uvažavajući sve iznesene sugestije uz raspravu po ovoj tački dnevnog reda. Dakle posao završiti što prije.

Evo pauzu je tražio Klub SDA, koliko se sjećam. Izvolite Abdurahmanović.

Vijećnik Adis Abdurahmanović, evo ja ću nakon pauze iznijeti stav Kluba, Klub vijećnika neće podržati ovu odluku, raduje nas činjenica da će se ovo privesti kraju. Jednostavno, prosto iz razloga što ovi isti povjerenici su bili u predhodnom mandatu. Razgovarali smo, razlozi zbog kojeg nisu mogli, međutim čisto iz principa nećemo podržati odluku zato što se bojimo da će se razvući do kraja ovog njihovog mandata, 3 mjeseca koje MZ-e da neće završiti. Bili smo za to da se

ograniči u što kraćem roku da se donese zaključak međutim po ovom materijalu ako bude išlo po materijalu kako smo dobili bit ćemo protiv.

Predsjedavajuća Svjetlana Zamboni-Radovanović, jeste jeste, samo što sam napomenula kada sam Prijedlog Odluke čitala, poštujući i diskusije iznesene sa govornice a to je u što kraćem roku, znači poštujući sugestije iznesene. Evo čini mi se, nema više diskutacija, te na glasanje stavljam ovu Odluku o imenovanju povjerenika MZ-a na području općine Maglaj, uvažavajući sve iznesene sugestije, dakle provođenje u što kraćem roku. Ko je za donošenje ovakve Odluke?

Glasalo ZA : Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Hajrudin Ferić (DF)

Glasalo PROTIV: Adis Abdurahmanović, Jasmin Begić, Mirsad Bežić, Safet Jašić, Eldis Kusur, Edin Osmić, Maid Suljaković, Eldin Pehrat, Edin Salatović (SDA),

UZDRŽANI: nema.

ZAKLJUČAK

10.1. Donosi se Odluka o imenovanju povjerenika MZ-a na području općine Maglaj, uz uvažavanje svih iznesenih sugestija u raspravi i provođenja procedure izbora u što kraćem mogućem roku;

AD – 11 Rješenje o konačnom imenovanju člana Upravnog odbora JU „Narodna apoteka“ Maglaj (član ispred Ministarstva zdravstva Zeničko –dobojskog kantona);

Predsjedavajuća Svjetlana Zamboni-Radovanović, prelazimo na narednu tačku dnevnog reda a to nam je 11. Rješenje o konačnom imenovanju člana Upravnog odbora JU „Narodna apoteka“ Maglaj (član ispred Ministarstva zdravstva Zeničko –dobojskog kantona); ovo je nešto što saglasnost daje viši nivo, dakle i nas se ne tiče, provedena je procedura u skladu sa svim propisima. Otvaram raspravu. Zatvaram raspravu. Ko je za donošenje rješenja o konačnom imenovanju člana Upravnog odbora? Protiv? Uzdržan? Konstatujem da smo rješenje usvojili jednoglasno.

ZAKLJUČAK

11.1. Donosi se Rješenje o konačnom imenovanju člana Upravnog odbora JU „Narodna apoteka“ Maglaj;

AD – 12 a) Rješenje o razrješenju predsjednika Drugostepene stručne komisije;
b) Rješenje o imenovanju predsjednika Drugostepene stručne komisije.

Predsjedavajuća Svjetlana Zamboni-Radovanović, prelazimo na narednu tačku dnevnog reda. Emina to nam je sada Komisija jel tako? Prijedlog Komisije za izbor i imenovanje, imamo pod a i pod b. Imamo Rješenje o razrješenju predsjednika Drugostepene stručne komisije i Prijedlog koji je došao nakon zasjedanja Komisije, Rješenje o imenovanju predsjednika Drugostepene stručne komisije u samoj diskusiji o dnevnom redu predsjednik Komisije je iznio kako je došlo do ove procedure. Otvaram raspravu. Vi ste i član Komisije jel tako?

Vijećnik Eldis Kusur, znači svakako SDA, to jeste Klub vijećnika podržat će razrješenje to je lokično, Saša Mehić je podnio ostavku. Što se tiče, izbora i imenovanja SDA za mjesto člana ove

Komisije predložio gospodina Elmira Mustabašića, pošto naš prijedlog nije prihvaćen mi ćemo biti protiv imenovanja.

Predsjedavajuća Svjetlana Zamboni-Radovanović, hvala lijepo. Mislim da nema razloga da dalje diskutujemo. Vi ste već i rekli svoj stav. Prije svega dakle Rješenje o razrješenju predsjednika Drugostepene stručne komisije. Ko je za ? Protiv? Uzdržan? Jednoglasno usvojeno.

I imamo Rješenje o imenovanju predsjednika Drugostepene stručne komisije. Ko je za?

Glasalo ZA : Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Senad Šehić(SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić(HDZ BiH), Hajrudin Ferić (DF).

Glasalo PROTIV: Adis Abdurahmanović, Jasmin Begić, Mirsad Bejić, Safet Jašić, Eldis Kusur, Edin Osmić, Maid Suljaković, Eldin Pehrat, Edin Salatović (SDA),

ZAKLJUČAK

12.1. Donosi se Rješenje o razrješenju predsjednika Drugostepene stručne komisije;

12.2. Donosi se Rješenje o imenovanju predsjednika Drugostepene stručne komisije.

AD – 13 Izvještaj o radu JU “Dječiji vrtić” Maglaj za 2019/2020 i 2020/21 sa finansijskim pokazateljima utroška sredstava iz Budžeta Općine Maglaj;

AD – 14 Program rada za 2021/2022 JU “Dječiji vrtić” Maglaj;

Predsjedavajuća Svjetlana Zamboni-Radovanović, prelazimo na narednu tačku dnevnog reda a to je Izvještaj o radu JU “Dječiji vrtić” Maglaj za 2019/2020 i 2020/21 sa finansijskim pokazateljima utroška sredstava iz Budžeta Općine Maglaj; predlažem da i Program rada za 2021/2022 razmatramo jedinstveno u toku diskusije, te da svoje stavove vezujete i za tačku 13.i tačku 14. Otvaram raspravu. Izvolite gospodin Suljaković. Napominjem da su program rada i sve ostalo da se ipak gore Ministarstvo je nadležna institucija koja odobrava i ne odobrava te godišnje programe rada a mi kao lokalna vlast eto razmatramo i to iako to sve zavisi od Ministarstva.

Vijećnik Maid Suljaković, prije nego se osvrnem na dokument koji se nalazi pred nama, istakao bih mišljenje vezano za funkcionisanje ove Javne ustanove i njenu organizovanost i finansiranje, gledam na potpuno drugačiji način nego je to sada slučaj. Mišljenja sam, a uvažavajući da je ovo i viši javni interes da ova ustanova u doglednom vremenu treba da izvrši svoju reorganizaciju, odnosno da pređe ili u privatnu instituciju ili ipak ukoliko se ova oblast zakonski uredi na nivou kantona da postane dio neke od kantonalne ustanove te da troškove sufinansiranja rada preuzme kanton. U takvim okolnostima, navedena ustanova bi trebala biti i neprofitnog karaktera. Trenutna parcijalna rješenja gdje jedni mogu koristiti usluge Javne ustanove, a drugima je onemogućeno ne vidim adekvatnim niti pravednim za naše građane. Kada govorimo o samom Izvještaju o radu JU Dječiji vrtić vidimo da izvještaj sadrži brojne informacije, da je rađen po određenom programu i one nam omogućavaju da kreiramo jasnu sliku o funkcionisanju ove ustanove. To smatram jako dobrim i pohvalnim. Ono što smatram potrebnima nisam imao priliku da pročitam u navedenom izvještaju jeste nedostatak planova i ciljeva iz predhodne godine. Dakle u svakom izvještaju od radu jako je važna komparacija postavljenih planova i ciljeva, te ostvarenih rezultata na kraju. To bi bio jedan tabelarni prikaz koji bi zauzimao vrlo malo prostora u dokumentu a koji bi na najbolji način pokazao predhodni rad ili nerad menadžmenta Javne ustanove. Ciljeve koje bi trebali postaviti bi trebali da budu jednostavni, mjerljivi, ostvarivi i da budu vremenski ograničeni za

svaku narednu godinu, iste bi trebali povećavati u zavisnosti od okolnosti te na takav način plasirati put razvoja ove ustanove. Čitajući dalje dokument spominju se određene brojke, pa piše da broj upisane djece kretao od 56 do 102, odnosno 102 do 56. Na osnovu ovih brojeva mi kao vijećnici ne možemo donijeti nikakav zaključak dok ne dobijemo odgovor na pitanje koji su to maksimalni kapaciteti djece koje može primiti ova Javna ustanova. Dalje u dijelu gdje se spominju aktivnosti ustanove vidim da postoji mogućnost da se vrše interventni kompenzacijski i rehabilitacijski program za djecu sa poteškoćama u razvoju pa me zanima da li je u toku 2020.godine bilo takvih slučajeva i da li u Javnoj ustanovi postoji osoba koja posjeduje dovoljne kvalifikacije da rad s tom djecom ukoliko nema da li se eksterno iznajmljuje, odnosno uzima se eksterni angažman određene osobe. Dalje vidim da se sa djecom učestvuje u obilježavanju brojnih važnih dana i datuma države i općine što je jako lijepo i pohvalno. Dio koji opisuje najvažnija dostignuća Javne ustanove govori o stvarima koje spadaju u redovne aktivnosti ove ustanove, to zaita ne smatram nikakvim dostignućima. Ukoliko pravih dostignuća nije bilo dakle nije sramota reći da se nisu dogodila u toku te godine, sramota bi bila ukoliko ne radimo da do tih dostignuća dođe. U dijelu prepreka u radu vidimo da se fokus stavlja na nemogućnost prihvatanja nove djece u ovu ustanovu, te se predlaže rješenje u smislu proširenja ovog objekta za dva boravka, odnosno da se dogradi isti. Zanima me koliko se djece godišnje procentualno odbije, odnosno koji procenat djece nema mogućnost da koristi usluge ove javne ustanove. Također me zanima da li ste za gore navedena rješenja dogradnje uputili određene konkretne zahtjeve, dopise prema nekim institucijama, pripremali projektnu dokumentaciju ili slično. Kada govorimo o preprekama iz okruženja naveli ste da se u dvorištu nalazilo par oštećenih stabala koje su prijatna korisnicima. Pojam prepreke iz okruženja se ne odnosi uopće na ovo što ste navodili,ovo je dio dokumenta gdje uz pomoć Swot analize predviđate koje su to potencijalne prepreke, prijatnje, rizici iz okruženja na koje vi direktno ne možete uticati. Primjer jedne takve prijatnje bila bi i zdravstvena epidemiološka kriza kao što je Covid, određene finansijske krize, povećan broj neuposlenih majki itd. Na osnovu te urađene Swot analize, odnosno prijatnje iz okruženja kreira se dokument koji se naziva Plan upravljanja rizicima, te se uz pomoć ovog dokumenta lakše prevazilaze buduće krize. Kada govorimo o finansijskom dijelu poslovanja ove Javne ustanove, vidimo da je Općina kao njen osnivač godišnje finansirala nešto više od 175.000,00 maraka što pokriva 83% plate usposlenika. Ostatak od 17% plate i drugih materijalnih troškova menandžment nije bio u stanju da pokrije kroz svoje redovno poslovanje, te pritom ostvari gubitak nešto više od 35.000,00. Svi koji iole prate dešavanja na tržištu svjesni su da je Covid 19 ostavio posljedice na poslovanje u svim ustanovama, branšama itd.ali isto tako možemo i uporediti rad privatnih vrtića koji su ostvarili značajno bolji rezultat iako su funkcionisale u istim uslovima i u istoj djelatnosti. Ako tome dodamo i činjenicu da je dotacija za ove privatne vrtiće bila oko 2.500,00 maraka godišnje uvidjet ćemo da je menandžment ovih privatnih vrtića daleko sposobniji od menandžmenta naše Javne ustanove. Razloge za takav odnos menandžmenta bi Upravni odbor Javne ustanove trebao prezentirati nama vijećnicima a ne da se na svaki način pokušava opravdati nečiji nerad. Prije ili kasnije ćemo morati na direktorske pozicije gledati kao obavezu a ne kao privilegiju, te imati odgovornost spram posla koji nam je povjeren. Općina kao institucija koja finansira ovoliki iznos ne zaslužuje ovakav odnos menandžmenta javne uprave. Nažalost i ovo će se protumačiti kao jalovo kritikovanje opozicije te će se svim snagama pokušati zaštititi jer ipak je on moj, tvoj, njegov. Čak i da prihvatimo činjenicu vremena u kojem živimo da to mora biti neko od navedenih kategorija, neka to barem bude onaj ko je najbolji od njih. Definitivno ovakav rad JU Dječiji vrtić, Klub SDA neće podržati i glasat ćemo protiv usvajanja. Hvala.

Predsjedavajuća Svjetlana Zamboni-Radovanović, hvala lijepo. Da li ima još prijavljenih za diskusiju. Nema. Javljam se za riječ.

Vijećnica Svjetlana Zamboni- Radovanović, evo ovaj i prije same diskusije ja sam napomenula da sve odgojno-obrazovne ustanove spadaju u nadležnost Ministarstva i mislim da nadzor nad radom i provođenje programa, odnosno godišnjih programa rada provodi nadležno Ministarstvo. Ja bih zamolila samo predsjednicu Upravnog odbora ili direktoricu ili već ko se bude obraćao ovdje s govornice samo da nam kaže i vezano za ocjene koje su dobijene od strane Ministarstva, dakle da

li su one pohvalne ili su negativne u tom smislu kada je u pitanju provođenje odgojno obrazovnog procesa u vašoj ustanovi i naravno ono što želim reći jeste da svakako ovo Općinsko vijeće treba da pokuša da iznađe način da u nekom narednom periodu kada stvari budu možda funkcionisale u finansijskom smislu malo bolje da našoj Javnoj ustanovi pomognemo da proširi svoje kapacitete jer zasigurno je zainteresovanost velika, sve govori o tome dakle i mišljenje roditelja i prilikom odabira vrtića znam da većina roditelja zapravo bi radije birala Javnu ustanovu nego privatnu vjerovatno ima tu i cijena čini svoje. Mi kao.. Javna ustanova je uvijek jeftinija od privatnih vrtića pa stoga vjerovatno i zarada tih ustanova nije tako velika. Evo samo vas molim ocjena Ministarstva vezano za vaš rad.

Predsjedavajuća Svjetlana Zamboni-Radovanović, obzirom da se nije niko javio za riječ, evo direktorica ustanove, a tu je i predsjednica Upravnog odbora. Znamo da smo nedavno imenovali nove sastave Upravnih odbora, možda je i bolje da direktorica odgovori, više je sigurno u toku.

Kanita Bašić, poštovani načelnice, poštovana dopredsjedavajuća, poštovani vijećnici..

Predsjedavajuća Svjetlana Zamboni-Radovanović, predsjedavajuća, nema nam dopredsjedavajuće.

Kanita Bašić, izvinjavam se, poštovana predsedavajuća, poštovani vijećnici s obzirom da je ovo moje obraćanje ovom sazivu vijeća, želim srdačno da vas pozdravim, želim da vam poželim dobar rad u korist svih građana općine Maglaj i na što boljoj prezentaciji općine Maglaj, onda vam čestitam na dobijenim mandatima, želim da radite transparentno onako kako ste to i do sada činili. Danas vam se na dnevnom redu ponudio Izvještaj o radu JU Dječiji vrtić Maglaj, za period i 2019/2020 i 2020/2021. Malo ću se vratiti na govor vijećnika Suljakovića. Nisam uspjela sve da zapišem pitanja, pa bih vas zamolila da mi negdje to zavedete kako bih mogla odgovoriti i pismenim putem. Ono što sam zapamtila jeste da ste se...prije svega ja ću se zahvaliti na pohvalama a na ovim kuđenjima ću reći jedno. Menadžment JU Dječiji vrtić Maglaj u ovom finansijskom izvještaju za 2020.godinu jeste ostvario višak razhoda nad prihodima u iznosu od 35.772,00 marke. On je bio pokriven iz akumuliranih sredstava i akumuliranog suficita ranijih godina, što znači da smo mi imali sredstava na našem računu, uštede u svrhu realizacije određenih projekata, mogućnosti proširenja objekta kao što smo i navodili, no međutim ti projekti na koje smo aplicirali nisu dobili podršku tako da te pare nismo ni iskoristili za to nego smo iskoristili za plate i doprinose radnicima u onom momentu kada nismo radili. Kada smo znači obustavili svoj rad, odnosno dobili zabranu rada od nadležnih institucija. Ja bih navela također da su ukupno ostvareni prihodi i primici za 2020 godinu manji u odnosu na predhodnu godinu, za 44.303,00 marke što znači da su naši vlastiti prihodi nisu bili naplaćivani jer su roditelji bili, nisu morali plaćati vrtić do ponovnog početka rada. Znači, oslobođeni su bili, tako da smo izgubili svoje vlastite prihode u tom dijelu. Ja se trebam također nadovezati na tu činjenicu da je osnivač kao i svake godine na čelu sa Načelnikom imao sluha za stvarne potrebe ove ustanove i izdvojio i veća finansijska sredstva i ona koja su potrebna da sufinansiramo djelatnost. Ne moram da napominjem ali neophodno je da kažem da je smanjenje prihoda i primitika za 2020.godinu rezultiralo pojavom Corona virusa. Jedna je bila zabrana rada koja je trajala 2 i više mjeseca, to je bilo u predhodnoj godini u 2020.-toj mi smo imali prekid rada i u 2021.godini od nekih 15-tak dana tako da i tu su nam se smanjili prihodi. Te činjenice su znači, znatno uticale na takav finansijski rezultat. Što se tiče ...

Predsjedavajuća Svjetlana Zamboni-Radovanović, izvinite direktorice i ograničenje u broju djece..

Kanita Bašić, apsolutno. Mislim da je vijećnik Maid Suljaković, spomenuo isto tako broj sekreta od 56-102 jeste zato što su nam nadležne institucije naložile, ograničile su nas s brojem djece upisane, tako da je po grupama trebalo biti maksimalno 10-toro djece, odnosno 10.-toro osoba, što znači 9 djece i jedna odgajateljica. I to je trajalo sad svakih 15 dana se mijenjalo, pa su povećali na 15, pa na 20 i automatski smo mijenjali broje djece, rasli smo ponovo na onaj broj koji imamo. Maksimalan kapacitet broja djece po standardima bi trebao biti 100, 105 djece i tolike kapacitete mi imamo. Mi smo imali predhodnih godina oni koji su bili u ranijim sazivima vijeća znaju da je se toliki broj kretao, dobar pijedlog vijećnika Suljakovića da se uporede i da se tabelarno prikaže

onako kako je bilo predhodnih godina, jer je evo sada problem ovaj saziv ne zna kako je bilo 2019/2020.god. tako da odličan prijedlog, uzet ću u obzir za sljedeći izvještajni period da takvu tablu i unesemo, bit će onda jasniji pokazatelji. Ono što bih isto tako rekla vezano za finansije, stigao mi je finansijski izvještaj 01.01.-31.09.2021.godine u kojem stoji da smo pozitivno poslovali, trenutno imamo višak prihoda u iznosu od 1668,00 i za isti izvještajni period za 2020.godinu ustanova je poslovala sa viškom a tada je poslovala sa viškom razhoda u iznosu od 27.996,00. Znači, prošle godine smo poslovali sa viškom razhoda sada u ovom momentu poslujemo sa viškom prihoda u iznosu od 1668,00 maraka. Znači, da se mi polako počinjemo oporavljati od ovih negativnih efekata i uticaja koje je prouzrokovala svjetska pandemija pojave Corona virus. Ono što je isto tako pohvalno jeste da ustanova nema obaveza prema radnicima i dobavljačima, znači nemamo dospjelih a neplaćenih obaveza. To je što se tiče finansijskog izvještaja. Maid je spomenuo također, vijećnik Maid programe rada, što se tiče godišnjeg programa rada ja bih se nadovezala, a evo i predsjedavajuća je pomenula da to donose nadležne institucije i više instance, znači Ministarstvo za obrazovanje, nauku, kulturu i sport, pedagoški zavod Zenica dao je saglasnost na provođenje godišnjeg programa rada 2021/2022. Upravni odbor je isto tako usvojio taj godišnji program rada i uz suglasnost dođe uvijek i rješenje o ocjeni rada direktora za školsku 2020/2021.godinu. U prošlom godišnjem programu rada ste također dobili rješenje 2019/2020.godinu i evo ja kao direktor, rukovodilac te ustanove ostvarujem već drugi put ukupno 150 bodova i ta ocjena znači naročito se ističe.

Predsjedavajuća Svjetlana Zamboni-Radovanović, hvala Vam lijepo Kanita i čestitam naravno.

Kanita Bašić, hvala, pa nije tako loš menadžment. Samo da pronađem interventni kompenzacijski-rehabilitacijski program jel tako vijećniče Suljaković? Ne niamo imali djece nažalost. JU Dječiji vrtić je opremljena za prijem djece izgledom i prostorom, ne i kapacitetom i kadrom. Moramo kadar pronaći, ali mi ne možemo na osnovu jednog djeteta pronaći kadar. Znači, mora to biti grupa djece, formirana nova grupa pa da bi pronašli kadar. Tako i stoji ukoliko se u ustanovu upiše dijete iz pomenute kategorije moramo znači uz pomoć stručnih osoba, spoljnih saradnika sačiniti individualan program djelovanja i djelovati u skladu sa tim. Nismo imali prve godine kada sam ja došla, kada sam radila u ustanovi, nisam bila tada direktorica bilo je jedno dijete sa posebnim potrebama u istoj grupi jednako. Bilo je jako teško raditi, nije bila osoba koja se bavila individualno sa njim, nažalost. Poslije toga nam se zaista više niko nije ni javio. Mi ne odbijamo naravno nikoga pa ni takvu djecu jer imamo zaista sve uslove za prihvatanje i takve djece. Ja ne znam više, evo bilo je dosta toga u tom tekstu.

Predsjedavajuća Svjetlana Zamboni-Radovanović, od strane vijećnika Suljakovića vidim da je manje-više sve odgovoreno, na moje također.

Kanita Bašić, evo ako ima još nešto ja se zaista...prepreke iz okruženja ne smatrate dostignućima ovo što smo naveli. Nije problem, naravno i stojim iza toga da nije problem ni navesti ako nema dostignuća u tom momentu, ja smatram da je dostignuće apliciranje na različite projekte, dobijanje i realizacija tih projekata a bilo ih je u predhodne dvije godine dva projekta su realizovana. Može se to i vidjeti šta smo odradili. Radimo aktivno na tim stvarima. Nešto ste poredili rad i aktivnosti, nekada nije moguće provesti sve aktivnosti koje su navedene u godišnjem programu rada. Mi naprimjer u 2020-toj godini nismo mogli provesti aktivnosti jer nas je pandemija zaista zahvatila i bili smo ograničeni, nismo smjeli ni izaći iz ustanove, nismo se smjeli ni s kim ni družiti. Morali smo aktivnosti prilagoditi onome kako su nam nadležne institucije rekle. Ako ima još nešto ja sam tu.

Predsjedavajuća Svjetlana Zamboni-Radovanović, direktorice ocjenu vašeg rada od strane nadležnih institucija kojima i podliježete kad je provođenje odgojno-obrazovnog procesa već sasvim dovoljno govori. Dakle ocjena naročito se ističe to ne dobija svako a ko radi u odgoju i obrazovanju to zasigurno zna.

Kanita Bašić, to je znači rezultat svih stručnih nadzora koji se rade i provode tri puta godišnje. Dolazi stručni nadzor i savjetnica, oni koji rade u školstvu znaju kako taj sistem funkcioniše. Ocjene oni daju, Pedagoški zavod daje saglasnost i Ministarstvo za obrazovanje daje saglasnost na

realizaciju specijaliziranih programa imamo i vjeronauku i program Engleskog jezika, tako da sve moramo saglasnosti dobiti kako bi i pokrili određene programe.

Predsjedavajuća Svjetlana Zamboni-Radovanović, hvala lijepo. Zadržite se još malo tu u blizini ukoliko bude pitanja. Gospodin Begić, izvolite.

Vijećnik Jasmin Begić, što se tiče ovog izvještaja on je manje-više rađen copy-paste ali ne bih sada o tome. Međutim nelogičnosti neke stvari iznesene su ovdje. Ja stvarno ne vidim razlog zašto bi Općina trebala podržavati Javne ustanove koje posluju u gubitku. U gubitku 35.000,00 maraka a prebačeno im 175.000,00. Hajmo probati uzeti komparirati privatne dječije vrtiće i ovo. Samim tim proširivanje kapaciteta JU Dječiji vrtić u Maglaju na čemu se insistira, mi bi svjesno ugasili privatne vrtiće u Maglaju. Šta bi imali? Imali bi znači, nove gubitke, nove troškove po Budžet općine a zauzvrat ne bi imali prihode od privatnih vrtića. Gospodo draga, ja stvarno ne znam jesam li ja možda toliko pogriješio, toliko ne čitam. Pripremajući se za ovu tačku dnevnog reda otišao sam na LRC portal da vidim kako su poslovali privatni vrtići. 2.500,00 trebale su biti tranše prebačene od Općine prema tim vrtićima nisu ni u one u cjelosti prebačene. Vrtići koji primaju oko 50 djece su poslovali u minusu ove godine oko 3.000,00 KM. Mi ako nastavimo ovako raditi da ne prebacujemo redovno tranše predviđene Budžetom tim vrtićima, sljedeće godine oni će imati akumulirani gubitak sigurno preko 10.000,00 jel vi mislite da će oni nastaviti raditi. Gasimo znači svjesno privatne vrtiće, JU Dječiji vrtić ne može da primi taj kapacitet. Otiđite znači na LRC tamo portal i vidite kako su poslovali vrtići privatni. Ispoštuje se 100 i možda ne znam koji procent prema JU Dječiji vrtić, ispoštuje se tranša od 175.000,00, dječijim vrtićima koji su privatno vlasništvo ne može se ispoštovati 2.500,00 koje trebaju i prebacuje im se po 300,500 ili 600 maraka. Od prošle godine nije im isplaćeno sve to. Ovo nema apsolutno nikakve političke pozadine ljudi. Ovo je znači fakat i činjenica da za dvije godine nećemo imati privatne vrtiće u Maglaju. Otiđite, provjerit svi su poslovali u minusu. Ali je pitanje samo dokle oni mogu podmirivati minus iz svog budžeta. Doći ćemo u poziciju ja bih volio da ne dođemo za dvije godine, mi ćemo biti isto ovdje akobogda, volio bih da ne dođemo za dvije godine da je jedan vrtić zatvoren a kamoli oba. A s druge strane kapacitet Javne ustanove neće moći da primi to. Znači, moj je prijedlog dajte u cjelosti ispoštujte prošlu godinu i prebacite privatnim vrtićima ono što je ostalo duga shodno Budžetu. U ovom godini znači prebaci im kompletan iznos, da barem akumulirani iznos koji dobiju da podmiru gubitak. Nemam apsolutno ništa ni protiv koga. Izvještaj ok dobar, sve dobar al 175.000,00 davati Općina a za druge sektore ne daje. Ja mislim da bi tih 175.000,00 trebalo svakako barem i ako već dajemo, davati privatnom sektoru barem po 10-15 hiljada jer imat ćemo poziciju tu idemo po sve u Žepče, Tešanj, Doboj, Jelah. Nemojte da dovedete Maglaj u situaciju da nam djeca idu u vrtić na Jelah ili u Žepče. Provjerite, pripremite. Ovo što vam ja kažem to su vam fakti gdje sam se pripremao za ovu tačku. Poslovali su svi u minusu, to nije mala stvar. Zato vam kažem Javna ustanova nema kapacitet taj, nema kapacitet taj, nema potrebe proširivati zato što ima nižu cijenu, nije konkurent, nema problem sa djecom kao što ima privatni sektor. Prebacite i privatnim ustanovama i povećajte tranše da ne bi ostali bez privatnog sektora. Toliko.

Predsjedavajuća Svjetlana Zamboni-Radovanović, javljam se za riječ.

Vijećnica Svjetlana Zamboni-Radovanović (replika), mislim da je izlaganje direktorice bilo vrlo jasno. Evo vi ste privrednik, kada vam neko zaključa radnju koliko zarađujete, nula. Bila je uskraćena mogućnost ostvarivanja prihoda, bilo kakve vrste prihoda, znači ništa nula, zaključano. Vrtić nije radio 2,5 mjeseca, pa je onda radio mjesecima u kapacitetu po 10-toro djece a ne 20 i ne znam koliko standardni nalažu, pedagoški. Koliko? 26 u grupi. i sada poredite razvoj situacije dakle kroz mjesece i sasvim je jasno zašto je došlo do gubitka u Javnim ustanovama koje imaju i najbrojnije grupe. Niti jedna Privatna predškolska ustanova ne broji po 100,105 djece u svojim vrtićima, zato što nemaju kapacitete, jer su pedagoški standardni vrlo strogi kada su u pitanju odgojno-obrazovne institucije. Javna ustanova je uvijek pod lupom i uvijek je pod stalnom kontrolom inspektorata, uvijek i stalno. Ne smije se premašiti broj djece, ne smiju se premašiti propisane mjere jer su Javne ustanove uvijek pod lupom i pod stalnom kontrolom. Meni je sasvim jasno zašto je došlo, evo sad sam množila pa vidjela da je to zapravo to. Ako ne radiš 2 ili 3

mjeseca ne možeš ostvariti prihod pa ti stavi 10-toro djece, umjesto za 120 da se plaća, da imaš prihod ti imaš prihod samo za 10-toro, mislim da je tu matematika sasvim jasna i da mi je sasvim jasno zašto je došlo do gubitka u Javnim ustanovama. Ja vam čestitam što ste imali ostvarene prihode iz ranijeg perioda i uspjeli dakle ne zakinuti svoje radnike za ono što ih je sljedovalo jer bi sigurno slijedili tužbe radnika i sve ono što zakon omogućava a onda bi tek Javna ustanova došla u probleme i imala bi tužbe za vratom i ne znam ti ni ja koješta. Slažem se ja kako je Maid iznio da kanton finansira vrtiće, super ideja podržavam odlično. Ja se slažem s tim evo hajmo mi pokrenuti inicijativu da Javne ustanove, dječiji vrtići na područjima općina finansira kanton. Prva ću glasati za . Eto.

Vijećnik Jasmin Begić (replika), pogrešno ste me shvatili. Vi ovo svodite na politički nivo. Nema apsolutno ništa što ja imam protiv ustanove. Samo vam kažem uzmite pokazatelje koji vam govore. Ja bih volio da ne budem upravu. Ja bih volio da sljedeći put ja odem na LRC i vidim da su privatni poslovali sa 100.000,00 u pozitivu. Ne govorim o tome, govorim da moramo imati neku politiku boljeg rasporeda. Moramo imati politiku boljeg upravljanja s time, to ja govorim. Znači, 175.000,00 uredu je, ali daj da vidimo kako su poslovali privatni vrtići i oni su imali pandemiju. Potrebna je reorganizacija Javne ustanove. Ovo što je Maid Suljaković rekao, slažem se u potpunosti ali bi tada u tom slučaju bile obuhvaćene kategorije ljudi koje bi dovozili djecu u taj vrtić iz razloga tog sa manjim primanjima. Ako bude pod nadležnostima kantona ono što smo mi govorili to bi onda bilo besplatno za tu djecu, ali bi zato sa boljim primanjima u odnosu na standard svi ostali vozili svoju djecu u privatne vrtiće. O tome smo mi govorili. Znači, nema apsolutno politike ni jedne sekunde.

Predsjedavajuća Svjetlana Zamboni-Radovanović, hvala lijepo. Evo da li ima još diskutanata? Čini mi ste da ste gospođu Bašić odgovorili na sva pitanja.

Kanita Bašić, ja bih samo nešto dodala. Ja zaista evo žurna je rasprava vezana oko finansija. Stojim na strani i predsjedavajuće koja je iznijela takav stav . razumijem i gospodina vijećnika Begića. Ja se zaista ne bih poredila i ne bi bilo fer da se poredimo sa privatnim vrtićima. Ja im zaista pružam svu podršku i za njih nije bio jednostavan period. Ne znam kako rade, ali zaista vjerujem da daju sve od sebe i u svom poslu. Ovo je jako odgovoran, društveno kristan rad. Naš cilj je prijem i smještaj tih malih bića i priprema za dalji život i za školu. Zaista sa finansijama valjda ćemo se...idemo što je najbolje u dobrom smjeru i nadamo se da će biti bolje. Naumpalo mi je pitanje od gospodina Suljakovića, vijećnika za kapacitet koliko je to djece mislim da sam tako razumjela. Koliko je djece trenutno možda na listi čekanja ili čeka upis. Koliko je to prostora i mjesta da se osposobi. Nama bi zaista trebalo još jedna grupa da se pokrije i da imamo. Jer imamo za već sljedeću godinu planiranih 30-tak djece a to nam je evo jedna grupa da pokrijemo, a nemamo je gdje smjestiti u vrtić.

Predsjedavajuća Svjetlana Zamboni-Radovanović, hvala. Zaključujem raspravu po ovaj tački dnevnog reda. Obzirom da smo diskutovali i o Izvještaju o radu Dječijeg vrtića 2019/2020, 2020/2021 sa finansijskim pokazateljima utroška sredstava iz Budžeta Općine Maglaj, prvo stavljam ovo na glasanje. Ko je za usvajanje ovog Izvještaja?

Glasalo ZA : Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Senad Šehić(SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić(HDZ BiH), Hajrudin Ferić (DF).

Glasalo PROTIV: Adis Abdurahmanović, Jasmin Begić, Mirsad Bejzić, Safet Jašić, Eldis Kusur, Edin Osmić, Maid Suljaković, Eldin Pehrat, Edin Salatović (SDA),

UZDRŽANI; nema

ZAKLJUČAK

13.1. Usvaja se Izvještaj o radu JU “Dječiji vrtić” Maglaj za 2019/2020 i 2020/21 sa finansijskim pokazateljima utroška sredstava iz Budžeta Općine Maglaj

Predsjedavajuća Svjetlana Zamboni-Radovanović, na glasanje stavljam i Program rada za 2021/2022 god. JU Dječiji vrtić Maglaj uz napomenu da je saglasnost nadležnog Ministarstva već pristigla. Ko je za?

Glasalo ZA: Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Senad Šehić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Hajrudin Ferić (DF).

Glasalo PROTIV: Adis Abdurahmanović, Jasmin Begić, Mirsad Bejić, Safet Jašić, Eldis Kusur, Edin Osmić, Maid Suljaković, Eldin Pehrat, Edin Salatović (SDA),

UZDRŽANI; nema.

ZAKLJUČAK

14.1. Usvaja se Program rada za 2021/2022 JU "Dječiji vrtić" Maglaj;

AD – 15 Informacija o radu privatnih predškolskih ustanova za 2020/2021 godine, koje se sufinansiraju iz Budžeta Općine Maglaj;

Predsjedavajuća Svjetlana Zamboni-Radovanović, prelazimo na narednu tačku dnevnog reda.. to je 15. Informacija o radu privatnih predškolskih ustanova za 2020/2021 godine, koje se sufinansiraju iz Budžeta Općine Maglaj. Otvaram raspravu. Izvolite gospodin Bradarić.

U praksi mi smo kada ne dođe predstavnik skidali tačke dnevnog reda ali nema razloga, obzirom da je ovo zaista informacija.

Vijećnik Mirza Bradarić, evo ja sam maloprije razmišljao da li da se javim kada su bile ove dvije predhodne tačke ili sada tako da evo ja ću ovaj put iskoristiti priliku da zaista čestitam i menadžmentu JU Dječiji vrtić a i svim ostalim menadžmentima privatnih vrtića, zaista na jednoj lavovskoj borbi unazad ove dvije zadnje godine. Ja igrom slučaja, sada trenutno imam samo jedno dijete koje pohađa privatni vrtić i znam zaista kako je svima njima bilo, počevši od teta koje rade u tom privatnom vrtiću, od same djece i od nas roditelja znamo kolika je zaista borba bila i na koji način kada su vrtići prestajali s radom kako smo sve to nekako snalazili se, uklapali se ko da pričuva djecu, kako itd.itd. Zaista komplimenti i Javnoj ustanovi i svim privatnim vrtićima u nadi da ovo što je bilo da je zaista iza nas i da će se konačno situacija malo stabilizovati onako kako je to bilo i prije ove pandemije. Što se tiče ja ću zaista reći da sam saglasan sa prihvatanjem svih ovih informacija koje su privatni vrtići i poslali. Zaista lavovski oni rade. Međutim kada je u pitanju ovo sufinansiranje, vi znate da je ovo sufinansiranje privatnih vrtića poteklo od inicijative Kluba SDP-a nije naravno politika. Privatnih vrtića unazad nekoliko godina nije ni bilo i zaista ovo je bio samo jedan mali doprinos onako koliko Općina može iako su to privatni vrtići ljudi su to samoinicijativno otvorili bez ikakvih očekivanja pomoći ili općine ili kantona, međutim ako se ukaže bilo kakva prilika zašto ne pomoći i tim ljudima. Ovo što je razlika koje ste govorili o deficitu i tih nekakvih sredstava moram istaći direktorice ako nije problem samo da me ispravite. Dnevni boravak djece u Javnoj ustanovi je sada trenutno 120 maraka, jelde? Da li se ta cijena povećavala u toku ove krize ove pandemije. Vidite u tome i jeste razlika. Ja već godinama unazad plaćam i za jedno i za drugo dijete, mala je sad već u školi ne ide u vrtić ali plaćali smo po 150 maraka u privatnim vrtićima. Međutim kako je nastala ova problematika pandemije privatni vrtići su aktiv privatnih vrtića je donio odluku da cijena se sa 150 poveća na 180 maraka i sad vi pogledajte razliku 120 maraka i 180 maraka to je 60 maraka razlike. Ja samo kažem da sam ja kao roditelj morao plaćati za svoje dijete 60 maraka više nego što su to plaćali roditelji u Javnoj ustanovi. Kada neko kaže 60 maraka, pa dobro možda to i nije ogromna cifra, međutim kada pomnožite na godinu dana onda je to lako izračunati koliko je 12 x 60 pa ćete dobiti cifru koja nije toliko mala. Naravno evo sad kako li se ova situacija malo stabilizovala, oni su ponovo vratili cijenu na 150 maraka do kada će to trajati, koliko će dugo to trajati mi zaista ne znamo. Ne znaju

ni rukovodstva tih privatnih vrtića, ni mi kao roditelji. Zaista jako puno djece ima hvala Bogu vjerujte da mene svaki put obraduje činjenica kao prosvjetnog radnika. Kažu puno njih odlazi, međutim evo ima djece koja dolaze iz drugih mjesta itd. Da bogdom hoće biti još jedno bar pet privatnih vrtića. Sad trenutno imamo tri privatna vrtića koji rade u punom kapacitetu. Nažalost njihovi prostori za prijem velikog broja djece nisu onakvi kakav je prostor Javne ustanove Dječiji vrtić itd. itd. Međutim, zaista trebamo se potruditi. Ja ovo što je gospodin Begić rekao da ih treba sufinansirati sa 10-15 hiljada maraka evo ja ću dati prijedlog po 20.000,00 maraka. Zaista to lijepo zvući, vjerujte da bi to olakšalo i ljudima koji vode te privatne vrtiće. Vjerujem da bi ta podrška automatski smanjila i mjesečnu naknadu koju mi roditelji moramo plaćati da bogdom može biti po 20.000,00 međutim hajde da budemo malo realni. U kakvom se vremenu nalazimo, kakva je finansijska situacija itd itd.

Predsjedavajuća Svjetlana Zamboni-Radovanović, i vas ću onda pitati s koje ćete kamare prebaciti na to pa onda mi dajte odgovor pa ćete vidjeti da je nemoguće.

Vijećnik Mirza Bradarić, ja sam samo rekao da bih volio da sufinansiramo s puno većom cifrom. Zaista to je trenutno nemoguće, što se tiče svega ovoga zaista komplimenti Javnoj ustanovi i svim ovim privatnim vrtićima.

Predsjedavajuća Svjetlana Zamboni-Radovanović, hvala vam. Zatvaram raspravu po ovoj tački dnevnog reda. Obzirom da nema prisutnih iz privatnih vrtića koji bi možda htjeli nešto podijeliti s nama, zaključujem raspravu, a mogu konstatovati dakle da se ova informacija prima k znanju. Ništa više. Program i rad također moramo primiti k znanju jer opet to nije naša nadležnost. Opet Program rada možemo u okviru samo Informacije razmatrati i mogu konstatovati da i ovu Informaciju primamo k znanju iako nismo naslovili ovu tačku možda dobro.

ZAKLJUČAK

15.1. Prima se k znanju Informacija o radu privatnih predškolskih ustanova za 2020/2021 godine, koje se sufinansiraju iz Budžeta Općine Maglaj;

ZAKLJUČAK

16.1. Prima se k znanju Program rada privatnih predškolskih ustanova za 2021/2022 godinu, koje se sufinansiraju iz Budžeta Općine Maglaj ;

AD -17 Usvajanje Lokalnog akcionog plana za re/integraciju bh državljana koji se vraćaju po osnovu Sporazuma o readmisiji na područje općine Maglaj za period 2021-2024;

Predsjedavajuća Svjetlana Zamboni-Radovanović, posljednja tačka dnevnog reda a to je Usvajanje Lokalnog akcionog plana za re/integraciju bh državljana koji se vraćaju po osnovu Sporazuma o readmisiji na području općine Maglaj za period 2021-2024. Ima li potrebe da se...nema potrebe, mislim da se daje uvodna riječ. Otvaram raspravu za vijećnike sada. Nema zainteresovanih za diskusiju. Zatvaram raspravu. Te Lokalni akcioni plan stavljam na usvajanje. Ko je za ? Protiv? Uzdržan? Konstatujem da smo jednoglasno usvojili.

ZAKLJUČAK

17.1. Usvaja se Lokalni akcioni plan za re/integraciju bh državljana koji se vraćaju po osnovu Sporazuma o readmisiji na područje općine Maglaj za period 2021-2024;

Predsjedavajuća Svjetlana Zamboni-Radovanović, prelazimo sada na vijećnička pitanja i inicijative. Zahvaljujem se dragim gošćama, predsjednici Upravnog odbora i direktorici Javne ustanove. Želim vam sretan rad, naravno možete se ostati družiti s nama do kraja sjednice. Mi smo na vijećničkim pitanjima i inicijativama. Jašić, Pehrat, Ferić, Aburahmanović....

Vijećnik Safet Jašić, vijećničko pitanje je pravo svakog vijećnika, a obaveza službi da odgovaraju na vijećnička pitanja. I ja neću više na tu temu govoriti i samo ću reći da sam na protekloj sjednici postavio dva vijećnička pitanja, nisam dobio odgovor ni na jedno. Radi se o poticaju u poljoprivredi i rekonstrukciji puta Novi Šeher-Kopice. To su moja dva vijećnička pitanja i molim vas da mi kažete kad mogu očekivati odgovore. Nemam ništa za postaviti dalje, dok ne dobijem ovo ne bih se zatrpavao. Eto ja vas molim bitna su oba vijećnička pitanja.

Predsjedavajuća Svjetlana Zamboni-Radovanović, ovaj molila bih vas samo u pisanoj formi.

Vijećnik Safet Jašić, u pisanoj formi je bilo.

Predsjedavajuća Svjetlana Zamboni-Radovanović, a vi sada nas napominjete. Bit će, bit će, radi se na tome. Dalje je bio Pehrat, pa Ferić.

Vijećnik Eldin Pehrat, evo ovako i ja imam jedno vijećničko pitanje. Dakle postavljam pitanje vezano za rekonstrukciju dionice puta u Novom Šeheru, tačnije u ulici „Hasana Brkića“, shodno vijećničkoj inicijativi koju sam podnio na predhodnoj sjednici, održanoj 23.09.2021.godine. Iako je komisija izlazila na teren i obilježila dio ceste koji se treba sanirati, nažalost po tom pitanju ništa konkretno nije poduzeto.

Dakle moje pitanje glasi, da li su nadležni organi nešto poduzeli po ovom pitanju i ako jesu, u kojoj fazi je priprema realizacije moje inicijative sa predhodne sjednice?

Predsjedavajuća Svjetlana Zamboni-Radovanović, hvala lijepo. Ferić.

Vijećnik Hajrudin Ferić, Inicijativa da se Ulice Srebreničkih žrtava rata, Ulica 1.Marta i Aleja Ljiljana od semafora do kružnog toka, na dijelovima dionica, što prije i hitnije pokriju videonadzorom i sistem nadzora na ovaj način stavi u funkciju u koordinaciji sa MUP ZDK.

Svjedoci smo stalnih saobraćajnih udesa na trgovima, ulicama i lokalnim putevima, odnosno gradskim ulicama, u kojima je veliki broj lakše ili teže povrijeđenih i bilježi materijalna šteta.

Svjedoci smo da se na gradskim ulicama, uglavnom u pomenutim ulicama statistički, skoro svake sedmice bilježe saobraćajni udesi sa teškim posljedicama, ali i da smo svjedoci primjedbe građana na brzu i opasnu vožnju tzv.turiranje, preticanje i sl.

Poznato je također da se iz godine u godinu bilježi najveći broj saobraćajnih udesa u Maglaju, upravo na ulicama , trgovima i što pokazuju podaci SJB Maglaj.

Predsjedavajuća Svjetlana Zamboni-Radovanović, Abdurarahmanović.

Vijećnik Adis Abdurahmanović, Lokalni put Kosova polje-Kamenolom-Šljivice koji je od velikog značaja za mještane MZ Kosova iz razloga što veliko broj građana MZ Kosova svoju koru hljeba zarađuje na području općine Tešanj na dijelu gdje je makadamski put je u katastrofalnom stanju. Pošto dolaze zimski dani, predlažem, odnosno podnosim inicijativu da se iznađu sredstva i da se dio puta koji je još uvijek makadam naspe i koliko toliko dovede u normalno stanje, te na taj način obezbjedimo građanima normalnu komunikaciju sa općinom Tešanj. To je što se tiče ove sjednice. Međutim nadovezao bih se na kolegu Jašića i zamolio bih prošli put sam imao inicijativu i dva vijećnička pitanja koja se tiču, bitna pitanja i moje lokalne zajednice i uopšteno. Možda od jutros, sinoć nisam dobio odgovor pa da se malo pritisak izvrši da se barem odgovori.

Predsjedavajuća Svjetlana Zamboni-Radovanović, idemo Arif.

Vijećnik Arif Mujkanović, iskoristit ću priliku da vas pozdravim i postaviti ću vijećničko pitanje. da li je istina da učenici osnovnih i srednjih škola sa područja MZ Ulišnjak ne mogu kupiti mjesečnu kartu, nego svaki dan moraju kupovati karte po puno skupljoj cijeni? Dobio sam informaciju od mještana MZ Ulišnjak da firma koja vrši prijevoz đaka ne želi izdavati mjesečne karte, nego karte svakodnevno naplaćuju po skupljoj cijeni. Ja znam da to nije ingerencija ni

